

母與兄弟聞此哀情皆斷腸社陵先生證此道沈家祝家
皆絕倒如今世上雅風衰若箇深知此聲好世上愛箏不
愛琴則明此調難知音今朝促軫為君奏不向俗流傳此
心

文苑英華卷二百十二

文苑英華卷第二百十三

詩六十三

音樂二附歌舞

歌二十二首

舞七首

歌妓四十三首

歌

李嶠

漢帝臨汾水周仙去洛濱郢中吟白雪梁上繞飛塵響發
行雲駐聲隨一作嬌子夜新願君聽扣角當自識賢臣

口號踏歌詞

張說

花萼樓前雨露新長安城裏太平人龍銜火樹千重集作燈
焰鷄踏集作上蓮花萬壽集作春

聽楊氏歌

杜甫

佳人絕代歌獨立發皓齒滿堂慘不樂響下清虛一作雲裏

江城帶素月况乃清夜起老夫悲暮年壯士淚如水玉盃

久寂寞金管迷宮徵勿云聽者疲愚智心盡死古來傑出

士豈待一知己吾聞西秦音集作音傾側天下耳

夜上西城聽梁州二首 李益

行人夜上西城宿聽唱梁州雙管逐此時秋月滿關山何

處關山無此曲

二

鴻鴈新從北地來聞聲一半却飛回金河戍客集作卒腸應

斷更在秋風百尺臺

聽赤白桃李花

前人

赤白桃李花先皇在時曲欲向西宮唱西宮宮樹綠

聽樂悵然自述

韓滉

萬事傷心對管絃一身含淚向春煙黃金用盡教歌舞留

與他人樂少年

與歌者何戡

劉禹錫

二十餘年別帝京重聞天樂不勝情舊人唯有何戡在更

與殷勤唱渭城

聽舊宮中樂人穆氏唱歌

前人

曾隨織女渡天河記得雲間第一歌休唱貞元供奉曲如

今一作當時朝士已無多

與歌者米嘉榮

前人

唱得梁州意外聲舊人難數米嘉榮近來時世輕先輩好
染髭鬚事後生

與歌童田順郎

前人

天上龍歌御史娘花前月底奉君王九重深處無人見分
付新聲與順郎

夜聞歌者

白居易

夜泊鸚鵡洲秋江月一作江月秋澄澈鄰船有歌者發調堪愁

絕歌罷繼以泣泣聲通復咽尋聲見其人有婦顏如雪獨
倚桅檣立娉婷十七八夜淡似真珠雙雙墮明月借問誰

家婦歌泣何悽切一問一沾巾集作襟低眉竟集作終不說

臨臥聽法曲霓裳

前人

金磬玉笙調已久空集作牙牀角枕睡常遲蒙籠閑夢初成

後宛轉柔聲入破時樂可理心應不謬酒能陶性定集作信

無疑起嘗殘酌聽餘曲斜背銀釭半下帷

聽歌

前人

管妙絃清歌入雲老人合眼醉醺醺誠知不及當年聽猶

覺聞時勝不聞

王將軍宅夜聽歌

于武陵

朱檻滿一作鋪明月美人歌落梅忽驚塵起處疑有鳳飛來

一曲聽初徹幾年愁暫開東南正雲雨不得見陽臺

聞歌

李商隱

歛笑凝眸意欲歌高雲不動碧峩峩銅臺罷望歸何處王
輩忘還事幾多青塚路邊南鴈盡細腰宮裏北人過此聲
腸斷非今日香燭燈光奈爾何

醉間聞甘州

薛逢

老聽笙歌亦解愁醉中因遣合甘州行追赤嶺千山外坐
想黃河一曲流日暮豈堪征婦怨路傍能結旅人愁左綿
刺史心先死淚滿朱絃催白頭

贈歌者

薛能

一字新聲一顆珠轉喉疑是擊珊瑚聽時坐部音中有唱
後瓔花葉裏無漢浦篴聞虛解珮臨邛焉用枉當鑪誰人
得向清樓宿便是仙郎不是虛

席上贈歌者

鄭谷

花木

集作月

樓臺近久衢清歌一曲倒金壺座中亦有

一作半是

江南客莫向清風

集作清風又作樽前

唱鷓鴣

歌二首

司空圖

處處亭臺只壞墻軍營人學內人粧太平故事因君唱馬
上曾聽隔教坊

二

經亂年年厭別離歌聲無似太平時詞臣更有中興頌磨
取蓮峯便作碑

同前

王貞白

誰唱關西曲寂寞

一作寥寥

夜景深一聲長在耳萬恨重經心

調古清風起曲終涼月沉却應筵上客未必是知音
舞

舞

梁簡文帝

戚里多妖麗重娉茂一作燕餘逐節工新舞嬌態似陵虛
納花承禱襪垂翠逐璫舒扇開衫影亂巾度履行踈徒勞
交甫憶自有專城居

同前

可憐二八物初學記作二八初逐節似飛鴻懸勝河陽妓
開與淮南同入行看復進轉面望鬟空腕動昭華玉衫隨
如意風上客何須起啼鳥曲未終

同前應令

劉遵

倡女多嬌色入選盡華年舉腕嫵衫重迴腰覺態妍情繞
陽春吹影逐相思絃履度開裙袂一作髮轉匝花鈿所愁
餘曲罷為欲在君前

同前

王訓

新粧本絕世妙舞亦如仙傾腰逐韻管欵色聽張絃袖輕
風易入釵重步難前笑態千金動衣香十里傳持此雙類
聚將飛鷲定當誰可憐

同前

楊暉

紅顏自燕趙妙妓邁陽阿就行齊逐唱赴節闇相和折腰
送餘曲欵袖待新歌嘖容生翠羽慢類聚睇出橫波雖稱
趙飛燕比此詎成多

同前

徐陵

十五屬平陽因來入建章主家能教舞城中巧畫粧低鬟
向綺席舉袖拂花黃燭送空邊影衫傳鈴公合集裏香當
筵好畱客故作舞衣長集作

同前

庾信

洞房花燭明燕餘雙舞輕頓履隨踈節低鬟逐上聲伴類
作轉行初進衫飄曲未成鸞迴鏡欲滿鶴顧市應傾已曾
天上學詎見類聚地中生

歌妓

夕出通波閣下觀妓

梁孝元帝

娥月漸成光燕姬戲小堂胡舞間齊閣類聚作湖鈴盤出
舞開春閣

步廊起龍調節鼓却鳳點笙簧樹交臨舞席荷生夾妓航
竹密無分影花踈有異香提初學記盃時笑語歡茲樂未
央

和林下詠妓應令

同前

日斜下北閣高宴出南榮歌清隨澗響舞影向池生輕花
亂粉色風蓀雜絃聲獨念陽臺下願待落川笙

同前

梁昭明太子

炎光向夕歛徙宴臨前池泉將影相得花與面相宜篴聲
如鳥嘒舞袖寫風枝歡樂不知醉千秋長若斯

武陵殿下看妓

劉孝綽

燕姬奏妙舞鄭女發清歌迴羞出慢臉送態表嘖娥寧殊

遇行雨詎減見凌波想君愁日落集作落日應羨魯陽戈

冬夜對妓

蕭放見初學記

佳麗盡時年合暝不能眠銀龍銜燭畏金鳳起爐煙吹箎先弄曲調箏更撮絃歌還團扇後舞出妓行前絕代終難及誰復數神仙

夜出妓

沈君攸

簾間月色度燭定岐成行迴身釧玉動頓履佩珠鳴低衫拂髮影舉扇起歌聲匣中曲猶奏掌上體應輕

和趙王看妓二首

庾信

綠珠歌扇薄飛燕舞衫長琴曲隨流水簫聲逐鳳凰細縷纏鍾格類聚作細圓花釘鼓床懸知曲不誤無事畏周郎

二

浣沙疑作沙

長思浣沙石定憶擣衣砧臨邛若有使一作使為說解琴心

奉和趙王美人春日

前人

直將劉碧玉來過陰麗華祗言滿屋裏併作一園花新藤亂上格春水漫吹沙步搖釵梁動紅綸帔角斜今年逐春處先向石崇家

侯司空宅詠妓

陰鏗

佳人遍綺席妙曲動鶖絃樓似陽臺上池如洛浦邊鸚啼歌扇後花落舞衫前翠柳將斜日偏是類聚作晚粧鮮

同前

劉刪

石家金谷妓粧罷出蘭閨看花只欲笑聞琴不勝啼山邊

歌落日池上舞前溪將人當桃李何處不成蹊

酬蕭待中春園聽妓

李元操

微雨散芳菲中園照落暉紅樹搖歌扇綠珠佩初學記舞

衣繁絃調對酒雜引動思歸愁人當此夕羞見落花飛

和衡陽殿下高樓看妓

江惲

綺樓侵碧漢初日照紅粧絃心艷卓女曲調動周郎並歌
時轉黛息舞斲分香挂纓銀燭下莫笑玉釵長

夜聞隣妓

盧思道

倡樓對三道吹臺臨九重笙隨山上鶴笛奏水中龍怨歌
聲不斷妙舞態難逢初學記誰能暫留客解佩一相從

衡陽王齋閣奏妓

虞茂

金溝低御道玉管正吟風拾翠天津上迴鸞鳥道中鏡前
看月近歌處覺塵空今宵織女見言是望仙宮

和許給事善心戲場轉韻

薛道衡

京洛重新年復屬月輪圓雲間壁獨轉空裏鏡孤懸萬方
皆集會百戲盡來前臨衢車不絕夾道閣相連驚鴻出洛
水翔鶴下伊川艷質回風雪笙歌韻管絃佳麗儼成行相
携入戲場衣類何平叔人同張子房高高城裏髻峩峩樓
上粧羅裙飛孔雀綺帶垂鴛鴦月映班姬扇風飄韓壽香
竟夕漁父初學記燈徹夜龍銜燭歡初學記笑無窮已歌
吹還相續羌笛龍頭吟胡舞電茲曲假面飾金銀盛服搖
珠玉宵深戲未闌競為人所謹卧馳飛王勒立騎前銀鞍

縱橫旣躍劍揮霍復跳丸柳楊百獸舞盤跚五禽戲後猊
弄班足巨象垂長鼻青羊跪復跳白馬回旋駛忽見羅浮
起俄看爵島至峯嶺旣崔嵬林叢亦青翠麀麀下騰倚猴
猿或蹲跂金徒列舊刻王律動新灰甲萸垂陌柳殘花散
苑梅繁星漸寥落斜月尚徘徊王孫猶勞戲公子未歸來
共酌瓊蘇酒同傾鸚鵡杯普天逢盛日兆庶喜康哉

詠妓

陳子良

金谷多歡宴佳麗正一作盡芳菲流霞席上滿迴雪掌中飛
明月臨歌扇行雲接舞衣何必桃將李別有待春暉

和平涼公觀趙郡王妓

弘執恭

小堂羅薦陳妙妓命燕秦娥初學記作翠眉疑假黛紅臉自含

春合舞俱迴雪分歌共落塵齊竽不可厠空願上龍津

詠妓

王勣

妖姬飾淨粧窈窕出蘭房日照當軒影風吹滿路香早時
歌扇薄今日舞衫長不應令曲誤持此試周郎

益州城西張超亭觀妓

前人

落日明歌席行雲逐舞人江前飛暮雨梁上下輕塵冷服
看疑畫粧臺望似春高車勿遽返長袖欲相親

辛司法宅觀妓

前人

南國佳人至北堂羅薦開長裙隨鳳管促柱送鸞杯雲光
身後落雪態掌中回到愁金谷晚不惟玉山頽

天津橋上美人

駱賓王

美女出東鄰容豫上集作天津整動衣香蒲路移步襪

生塵水下看粧影眉頭盡月新寄言曹子建箇是洛川神

戲贈趙使君美人杜審言

紅粉青娥映楚雲桃花馬上石榴裙羅敷獨向東方去謾

學他家作使君

觀妓詠和舞張諤一作鷄

半額畫雙娥盈盈燭下歌玉杯寒意少金屋冶情多香艷

王分帖裙嬌勅賜羅平陽莫想妬喚出不如他

五日觀妓春沙萬楚景一作

西施謾道浣春沙碧玉今時門用麗華眉黛奪將萱草色紅

裙妬殺石榴花新歌一曲令人艷醉舞雙眸歛髮斜誰道

五絲能續命却知今日死君家

在水軍宴常司馬樓船觀妓李白

搖曳帆在空清流順歸風詩因鼓吹發酒為歛歌雄對舞

青樓妓雙鬟白玉童行雲且莫去留醉楚王宮

邯鄲南亭觀妓前人

歌妓集作燕趙叟魏妹集作弄鳴絲粉艷燦月彩集

粉彩舞衫拂花枝把酒顧美人請歌邯鄲詞清集作

繚繞度曲綠雲垂平原君安在科斗生古池座客三千人

于今知有誰我輩不作樂但為後代悲

携妓登梁王栖霞山孟氏桃園中前人

碧草已蒲地柳與梅爭春謝公自有東山妓金屏笑座如

花人今日非昨日明日還復來白髮對綠酒強歌心自作
已推君不見梁王池上月昔照梁王罇酒中梁王已去明
月在黃鸝愁醉啼春風分明感激眼前事莫惜醉卧桃園
東

出妓金陵子呈盧六

前人

安石東山三十春傲然携妓出風塵樓中見我金陵子何
似陽臺雲雨人

同前

前人

南園新豐酒東山小妓歌對君君不樂花月奈愁何

詠歌容娘

常非月

舉手整花鈿翻身舞錦筵馬圍行處匝人簇看場圓歌索

齊聲和情教細語傳不知心大小容得許多憐

王家小婦

崔顥

十五嫁王昌盈盈入畫堂自矜年最小復倚嬌為郎舞愛
前溪綠歌憐子夜長閑來聞百草度日不成粧

岐王席觀妓

前人

二月春來半王家日漸長柳垂金屋暖花發玉樓香拂匣
先臨鏡調笙更炙黃長將欲舞態只擬奉君王

陪辛大夫西亭宴觀妓

劉長卿

歌舞憐集作連遲日旌麾集作旗映早春鶯窺隴西將花對洛

陽人醉罷知何事恩深忘此身任他行雨去歸路裏輕塵

揚州雨中張十七宅觀妓

張謂

夜色帶春煙燈花拂更然殘粧添石黛絕一色舞落金鈿
掩笑頻歌扇迎歌乍動絃不知巫峽雨何事海西邊

開府席上賦得詠美人名解愁 盧綸

不敢苦相留明知不自由頻眉乍欲語歛笑又低頭舞態
蕪些醉歌聲似帶羞今朝慙見他只守解人愁

楊卯白總目有各無詩

于鵠前同

王建前同

白居易前同

和王秀才傷歌妓見詩三百五卷

周員外出雙舞妬技妓

溫庭筠

張祐

盡鼓拖環錦臂攘小娥雙換舞衣裳金絲蹙霧紅衫薄銀
蔓垂花紫帶長鸞影乍迴頭並集作對舉鳳聲初歇翅齊張
一時折腕招殘拍斜歛輕身拜玉郎

沈光前同

一却泚烈烈烈時時快燮彈良琴正吻
其光
同
蔓垂芬紫帶身鸞鳴平畷煎並
舉鳳華
醉燮齊
蓋殖泚野融曾樂小嫩雙泚
鞞太棠金
絲發露
玉
不載雅

文苑英華卷第二百十四

詩六十四

人事一

宴集六十七首

同集晉安兒宅

劉孝綽

夫君追宴喜十日迺來過築室華池上開軒臨菱荷方塘

交密篠對雷接繁柯景移林改色風度類聚水餘波洛城

雖半集作未掩愛客待驪歌

後園宴樂

魏收

東馬輕燕外獵雉陋秦中朝車轉夜轂仁旗指旦風式宴

臨平圃展衛寫屠穹積崖疑造化導水逼神功樹靜歸烟

合簾踈返照通一逢堯舜日未假北山叢

月下秋宴

前人

此夕甘言宴月照露方塗使星疑向蜀劍氣不關吳良交
契金水上客慰萱蘇何必應劉輩還來遊鄴都

齊肅道遜晚春宴

邢子才

日斜賓館晚風輕麥候初簷喧巢幕鷺池躍戲蓮魚石聲
隨流響桐影傍巖踈誰能千里外獨倚八行書

羣公高宴

楊訓

中郎敷奏罷司隸坐朝歸開筵引貴客饌玉對春暉塵起
金吾騎香逐令君衣綠酒犀爲椀鳴琴寶作徽寸陰良可
惜千金本易暉

後園宴

盧思道

嘗聞崑閬有神仙雲冠羽佩得長年秋夕風動三珠樹春
朝露濕九芝田不如鄴城佳麗所玉樓銀閣與天連太液
圓波千丈映上林花樹百枝燃流風續洛渚行雲在南楚
可憐白水神可念青樓女便妍不羞澁遙艷工言語池苑
正芳菲得戲不知歸媚眼臨歌扇嬌香出舞衣纖腰如欲
斷側髻似能飛南樓日已暮長簷鳥應度竹殿遙聞鳳管
聲虹橋別有羊車路携手傍花叢徐步入房櫳欲眠衣先
解半醉臉逾紅日日相看轉難厭千嬌萬態不知窮欲知
妾心無劇已明月流光滿帳中

後渚置酒

陳叔達

大渚初驚夜中流沸鼓鞞寒沙蒲曲浦夕霧上耶溪岸廣

鳧飛急雲深鴈度低嚴關猶未遂一作遠此夕待晨鷄

夏晚尋于政世置酒賦韻 陳子良

聊從嘉遁所酌醴共抽簪以茲山水地留連風月心長榆
落照盡高柳暮蟬吟一及桃源路別後難追尋

冬日宴于庶子宅各賦一字得趣 令狐德彝

高門聊命掌群英於此遇放曠山水情留連文酒趣夕煙
起林蘭霜枝殞庭樹落景雖已傾歸軒幸能駐

賦得盃 于志寧

陋巷朱軒擁衡門緹騎來俱裁七步詠同傾三雅盃色動
吟春柳花發犯寒梅賓筵半未醉驪歌不用催

賦得鮮 劉孝孫

解襟遊勝地披雲促宴筵清文振筆妙高論寫言泉凍柳
含風落寒梅照日鮮驪歌雖欲奏歸駕且留連

賦得歸 許敬宗

倦遊嗟落拓集作落短翮暮追飛周醪忽同醉牙絃乃共揮
油雲澹寒色落景靄霜霏累日方投分茲夕諒無歸

賦得平 岑文本

金蘭篤惠好罇酒暢生平既欣投轄賞暫緩望鄉情愛景
含霜晦落照帶風輕於茲歡宴洽寵辱詎相驚

賦得節 杜正倫

李門余妄進徐榻君恒設清論暢玄言雅琴飛白雪寒雲
暖落景朔風淒暮節方欣投轄情且駐當歸別

賦得色

封行高

夫君敬愛重歡言情不極雅引發清音麗藻窮調餘水結
曲池冰日暖平亭色引滿既盃傾終之以弁側

上巳浮江宴韻得遙

王勃

披觀玉京路駐賞金臺趾逸興懷九仙良辰傾四美松吟
白雲際柱馥清綵裏別有江海心日暮情何已

此篇題得遙字而詩

押美字按歲時雜詠及本集自有遙字韻詩今錄于後

上巳年光促中川興緒遙綠齊山葉滿紅洩片花銷泉聲
喧後澗虹影照前橋遽悲春望遠江路積波潮

聖泉宴韻得身

前人

披襟乘石磴列席俯春泉蘭氣薰山酌松聲韻野絃影飄

垂葉外香度落花前興洽林塘晚重岩起夕煙

春日宴樂遊園賦韻得接

前人

帝里寒光盡神臯春望浹梅郊落晚英柳甸驚初葉流水
抽竒弄崩雲灑方牒清鱗湛不空暫喜平生接

三月曲水宴得舒

疑詩中却押園字

盧照隣

風煙彭澤里山水仲春園由來弃銅墨本自重琴樽高情
邈不嗣雅道今復存有美光時彥養得坐山樊門開芳杜
徑室拒桃花源公子黃金勒仙人紫氣軒長懷去城市高
詠狎蘭蓀連沙飛白鷺孤嶼嘯玄猿日影巖前落雲花江
上翻興闌車馬散林塘夕鳥喧

和前得煙

王勃

彭澤官初去河陽賦始傳田園歸舊國詩酒間長筵列室
窺丹洞分樓瞰紫煙縈回亘津渡出沒控郊郵鳳琴調上
客龍轡儼群仙松石偏宜古藤蘿不記年重簷交密樹復
磴擁危泉抗石晞南嶺乘沙湫北川傳巖來築處礚礚入
鈞前日斜真興遠幽楚思涼蟬

宴梓州南亭得池

盧照隣

貳條開勝迹大隱叶冲規齋閣分危岫樓臺繞曲池長薄
秋煙起飛梁古蔓垂水鳥翻荷葉山蟲交桂枝遊人惜將
晚公子愛忘疲願得回三舍琴樽長若斯

初秋登王司馬樓宴賦得同

駱賓王

展驥端歸暇登龍喜集作嘉宴同締賞二清滿承恩六義通

野晦寒雲

集作陰

積潭虛秋

集作夕

照光顧慙非夢鳥濫此厠

雕蟲

春夜常明府宅宴得春

前人

酌桂陶芳夜披薛笑幽人雅琴馴野

集作魯

雉清歌落梁

集作

范塵宿雲低迴盖殘月下

集作上

虛輪幸此蒙

集作承

恩洽聊

當故鄉春

冬日宴

前人

二三物外友一百杖頭錢賞洽袁公地情披樂令天促席
鸞觴蒲當爐獸炭燃何須攀桂樹逢此自留連

初秋宴得風

一作于寶六宅宴

前人

千里風雲契一朝心賞同意盡通家合集作深交冷神靈佑累

空草砌一作帶銷寒翠花缸飲集作技發夜紅唯將淡若水
長揖古人風

夜飲東亭

宋之問

春水集作泉鳴大壑皓月吐層岑壑景色佳慰我遠遊心
聞芳足幽氣驚棲集作嘶多衆音高興南山吟長謠橫素琴

春日宴宇主簿山亭得寒字

前人

公子正邀歡林亭春漸闌攀巖踐苔易迷路出花難窸覆
垂陽暖階侵瀑水寒帝城歸路直流興接鴛鴦

春日鄭協律山亭陪宴餞鄭卿同用樓字

前人

潘園枕郊郭愛客過相求罇酒東城外駢駮南陌頭池平
分洛水林缺見高丘暗竹侵山逕垂楊拂妓樓彩雲歌處

斷遲日舞前留此地何年別蘭芳空自幽

同劉給事城南宴集

前人一作張說

水竹幽閑地簪纓近侍臣雍容乘暇日蕭洒出囂塵樹長
栖集作足思朋鳥池深入養鱗管絃高逐吹歌舞妙含春老子

叨專席勸遊隔縉紳此中情不淺遙寄賞人心

岳州宴別潭州王熊

前人

縉雲連省閣溝水遽西東然諾心猶在容華歲不同孤城
臨楚塞遠樹入秦宮誰念三千里江潭一老翁

幽州夜飲

前人

涼風吹夜雨蕭瑟動寒林正有高堂宴能忘遲暮心軍中
多集作宜劔舞塞上重笳音不作邊城將誰知恩遇深

鳳閣尋勝地

前人

西掖持醇酒東山就白雲開軒綠池映命席紫蘭芬舞度
花為伴鶯來管作群太平多樂事春物共氛氲

定崑池奉和蕭令潭字韻

前人

暮春三月日重三春水桃花浦楔潭廣樂逶迤天上下仙
舟遙衍鏡中醜

藥園宴武輅沙將軍得洛字

前人

東地垂餘興南園宴清洛文學引王枚歌鍾陳衛霍風高
大夫樹露下將軍藥待聞出塞還丹青上麟閣

奉蕭中令酒并詩

前人

樂奏天恩蒲盃來秋興高更蒙蕭相國對席飲醇醪

廣州蕭都督入朝過岳州宴餞得冬字

前人

孤城抱大江節使往朝宗果是臺中舊依然水上逢京華
遙比日疲老颯如冬竊羨能言鳥銜恩向九重

夕宴房主簿舍

前人

歲晏關雍空風急河渭冰薄遊羈物役微向怯集作遠憑

旅館月宿未閑荷雲思興伊人羨思集作夜朋酒惠來稱

交談既清雅琴吟亦婁凝不逢君騫澗集作憂思長鬱蒸

岳州宴姚紹之

前人

杞梓滯江濱光華白日新難兄金作友媚子玉為人山水

含秋興池亭借善隣簷松風送靜院竹鳥來馴翠竿集作催

吹黃菊瑤盤繪紫鱗緩歌將醉舞宜集作拂繡衣塵

脩書學士奉勅宴梁王宅得樹字 前人
虎殿成鴻業猿巖題鳳賦既荷大君恩還蒙小山過秋吹
凝絃管涼雲生竹樹共惜朱邱歡無辭落城暮

秋杜日崇讓園宴得新字

蘇頲 見雜詠

鳴爵三農稔勾龍百代神運昌叨輔弼時報喜黎人樹缺
池光近雲開日影新生全應有地長願樂交親

寒食宴于中舍別駕兄弟宅

前人

子推山上歌龍罷定國門前納駟來始覩元鷗鏘玉至旋
聞季子佩刀回晴花處處因風起御柳條條向日開自有

長筵歡不極還將 一作持 彩服詠南陔

天津橋東旬宴得歌字

張九齡

清洛象天河東流形勢多朝來逢宴喜春盡却妍和泉籟
歡時躍林鶯醉後歌賜恩頻若此為樂今奈 集作奈何

雲陽驛陪崔使君邵道士夜宴 張子容

一尉東南遠誰知此夜歡諸侯傾皂盃仙客整黃冠染翰
燈花滿飛觴雲氣寒欣承國士遇更借美人看

濟州過趙叟家宴

王維

雖與人境接閉門成隱居道言莊叟事儒行魯人餘深巷
斜暉靜閑門高柳疎荷鋤脩藥圃散帙曝農書上客搃芳
翰中厨饋野蔬夫君第高飲景宴出林閭

與盧象集朱家

前人

主人能愛客終日有逢迎貫得新豐酒復聞秦女箏柳條

文苑英華 卷一百一十四
疎客舍槐葉下秋城語笑且為樂吾將達此生

宴越府陳法曹西亭

孫逖 見集本

公府西巖下紅亭間白雲雪梅初度臘煙竹稍迎曉水木
涵澄影簾籠引霽氛江南歸思逼春鴈不堪聞

和常和尚兄春日南亭宴兄弟 京在 前人

臺閣升高位園林隔舊鄉忽聞歌棣萼還比報瓊芳門向
宜春近郊連御宿長德星常有會相望在文昌

洛陽客舍逢祖詠留宴 蔡希寂

綿綿鍾漏洛陽城客舍貧居絕送迎逢君貰酒因成醉醉
後焉知世上情

與王昌齡宴王十一 孟浩然

歸來卧青山嘗覓在 一作嘗 夢遊 清都漆園有傲吏惠縣 一作好

在招呼書幌神仙籙畫屏山海圖酌霞復對此宛似入蓬
壺

奉先張明府休沐還鄉海亭宴集探得堦字

自君理畿甸余亦經江淮萬里音書斷數年雲雨乖歸來
休澣日始得賞心諧朱綬 集作 綬 恩雖重滄州趣每懷樹低

新舞閣山對舊書齋何以發秋興陰蠱鳴夜堦

夏日與崔二十一同集衛明府席 一作夏日宴衛明府宅遇北使

前人

言避一時暑池亭五月開喜逢金馬客同飲玉人盃舞鶴
乘軒至遊魚擁劍來坐中殊未起簫管莫相催

盧明府早秋宴張郎中海園即事得秋字 前人

邑有絃歌宰翔鸞已狎一作野狎鷗眷言華省舊暫拂海

池遊鬱島藏深竹前溪對舞樓更聞書即事雲物是清集作

新又秋作高秋

宴包二融宅

前人

閑居枕清洛左右接人野門庭無雜賓車轍多長者是時
方盛夏風物自瀟洒五月休沐歸相携竹林下開襟成歡
趣對酌一作酒不能罷煙暝棲鳥迷余將歸白社

宴張記室宅

前人

甲第金張館門庭軒一作車騎過家封漢陽郡文會楚材多

曲島浮觴酌前山入詠歌妓堂花映發書閣一作閣柳逶迤

玉指調箏柱金泥飾舞羅寧知書劍者歲月獨蹉跎

清明日宴梅道士房

此詩見二百二十六卷

前人

寒夜張明府宅宴

前人

瑞雪初盈尺閑宵始半更列筵邀酒伴刻燭限詩成香炭
金爐煖嬌絃玉指清醉來方欲卧不覺曉鷄鳴

襄陽公宅飲

前人

窈窕夕陽佳丰茸春色好欲覓淹留處無過狹斜道綺席

卷龍鬚香床

集作杯

浮瑪瑙北林積脩樹南池生別島手撥

金翠花心迷王紅草談笑

集作天

光六義發論明三倒座非

陳子驚門還魏公掃榮辱

集作華

應無間歡娛當共保

臨渙裴贊明府

集作府

席遇張十六

集作一房六

前人

河縣柳林邊河橋晚泊舡文叨才子會官喜故人連笑語
同今夕輕肥異往年晨風理征棹吳楚各悠然集作理歸棹

夜宴左氏莊

杜甫

風林纖月落衣露靜琴張暗水流花逕春星帶草堂檢書
燒燭短看劔引盃長詩罷聞吳詠扁舟意不忘

上巳日徐司錄林園宴集

前人

鬢毛垂領白花蘂亞枝紅歌倒衰年廢招尋令節同薄衣
臨積水吹面受和風有喜留攀桂無勞問轉蓬

崔駟馬山亭醺集

前人

蕭史幽棲地林間蹋鳳毛湫流何處入亂石閉門高客醉
揮金椀詩成得綉袍清秋多醺會終日困香醪

陪李北海宴歷下亭

前人

東藩駐皂蓋北渚凌清河海右此亭古濟南名士多雲山
已發興玉佩仍當歌脩竹不受暑交流空湧波蘊真愜所
遇落日將如何貴賤俱物役從公難重過海右川本作海內

湘江宴餞裴二端公赴道州

前人

白日照丹旆朱旗散廣川羣公餞南北肅肅秩初筵鄙人
奉末眷佩服自早年義均骨肉地懷抱罄所宣盛名富事
業無取媿高賢不以喪亂嬰保愛金石堅計拙百僚下氣
蘇君子前會合苦不久哀樂本相纏交遊颯向盡宿昔浩
茫然促觴激萬慮掩抑淚潺湲熱雲初集黑缺月未上天
白團爲我破華燭璠長煙鴟鴞催明星鮮袂從此旋上請

滅兵甲下請安井田未念病渴老附書遠山巔初集黑川本作初集

宴王使君宅題二首

前人

漢主追韓信蒼生起謝安吾徒自飄泊世事各艱難逆旅招要近他鄉思緒寬不才其朽質高卧豈泥蟠

思緒集作意緒 二

汎愛容霜鬢一作鬢

一作

留歡上夜關

世傳杜子美不避家韓詩中兩押關字麻

沙傳孫觀杜詩押韻作卜夜開北斗開今英華元本亦作卜夜開其實皆非也或改作夜闌又不在韻按卜字集杜詩及別本自是留歡上夜開蓋有投轄之意上字訛為卜開字訛為開耳北斗開者漢書有朱旗降天今子美諸將七言詩既云曾開朱旗北斗開則是因朱旗絳天門見斗亦赤本是殷字於類切紅色也後本殷周之殷於今切盛貌脩書時宣宗諱殷正紫音雖不同字則一體或改作開今既挑不諱則是殷字又何疑焉

苑不載北斗殷之詩偶論疑兩開字故併及之 自吟詩送老相勸酒開顏戎馬

今何地鄉園獨舊

集作在

山江湖墜清月酪酊任扶還

陪章侍御宴南樓得風字

前人

絕域長夏晚茲樓清宴同朝廷燒棧北鼓角漏天東屢食將軍地仍騎御史驄本無丹竈術那免白頭翁寇盜狂歌外形骸痛飲中野雲低度水簷雨細隨風出號軍集作城黑題詩蠟燭集作炬紅此身醒復醉不擬哭途窮

曲江陪鄭八丈南史飲

前人

雀啄江頭楊柳花鷓鴣鷓滿晴沙自知白髮非春事且盡芳罇戀物華近侍即今難浪跡此身那得更無家丈人才力猶強健豈傍青門學種瓜

文苑英華卷第二百十四

文苑英華卷第二百十五

詩六十五

人事二

宴集六十八首

陪宋中丞武昌夜飲懷古

李白

清景南樓夜風流在武昌庾公愛秋月乘興坐胡床龍笛吹寒水天河落曉霜我心還不淺懷古醉餘觴

流夜郎至江夏陪長史叔及薛明府宴興德寺

南閣

前人

紆殿橫江上青山落鏡中岸回沙不盡日映水成空天樂流香閣蓮舟颺晚風恭陪竹林宴留醉與陶公

春日陪楊江寧及諸官宴北湖感古 前人

昔聞顏光祿攀龍宴明京集作湖樓舡入天鏡帳殿開雲衢

君王歌大風如樂豐沛都延年獻佳作邈與詩人俱我來

不及此獨立鍾山孤揚宰穆清風芳聲騰海隅英寮光簪

組集作滿粲然集作瓊林敷鷁首弄倒景蛾眉掇明珠新

絃綵一作採黎園古舞嬌吳歛曲度繞雲漢四座集作皆

歡娛雞棲何嘈嘈松月拂集作沿月笙竽古之帝宮苑今乃人

樵蘇感此勸一觴願君覆瓢壺盛時當作樂無令後賢吁

趙都護宅宴別

盧象見集

結客候旌麾元戎復在斯文開都護府兵動羽林兒黠虜

多翻覆謀臣有別離智同天所授恩共日相隨漢使開賓

幕胡笳送酒卮風霜迎馬首雨雪事魚麗在策應無戰深

情屬載馳不應行萬里明主寄安危

宴吳王宅

祖詠見集

吳王承國寵列第禁城東連夜徵辭客當春試舞童砌分

池水岸窓度竹林風更待西園月金罇樂未終

清川口宴張郎中別業

前人

田家復近臣別業不遺親齊日園林好清明煙火新以文

常會友唯德自成隣池沼窓陰晚杯觴藥味春簷前花覆

地竹外鳥窺人何必桃源裏深居作隱淪

何九於客舍集

王昌齡

客有住桂陽亦如巢林鳥壘觴且終宴功業曾未了山月

空齋時江月高樓曉門前泊舟楫行次入松篠此意投贈

君滄波風嫋嫋

晦日陪辛大夫宴南亭

劉長卿

月晦逢休澣年光逐宴移早鶯留客醉春日為人遲
莫草全無葉梅花遍壓枝政閑風景好莫比峴山時

以下五篇並見集本

同諸公袁郎中宴筵喜加章服 前人

手詔來筵上腰金向粉闈勲名傳舊閣蹈舞着新衣
白社同遊在滄洲此會稀寒笳發後殿秋草送西歸
世難常摧敵時閑已息機魯連功可讓千載一相輝

西庭夜宴喜評事兄拜命 前人

猶是南州吏江城又一春隔簾湖上月對酒眼中人
棘寺

初啣命梅仙已誤身無心羨榮祿唯待却垂綸

惠福寺與陳劉諸官茶會得西字 前人

到此機事遣自嫌塵罔迷因知萬法幻盡與浮雲齊
疎竹映高枕空花隨杖藜香飄諸天外日隱雙林西
傲集作吏

方見狎真僧幸相携能令歸客意不復還東溪

夏日宴魏萬成湘水亭 前人

何年家在此江濱一作幾度門前北渚春
白髮亂生相顧

老黃鶯自語豈知人

梁州陪趙行軍龍崗寺北庭泛舟宴王侍御得長

字 岑參

誰宴霜臺使行軍粉署即唱歌江鳥沒吹笛岸花香酒影

搗新月灘聲聒夕陽江鍾聞已暮歸棹綠川長

早春陪崔中丞浣花溪宴得暄字 張謂

旌節臨溪口寒郊斗覺暄紅亭移酒席盡鷓返江村雲帶
歌聲颺風飄舞袖翻花開催秉燭川上欲黃昏

燕鄭伯璵宅 前人

正月風光好逢君上客稀曉風吹鳥轉春雪帶花飛堂上
吹金管庭前試舞衣俸錢供酒價行子未須歸

郡南亭子宴 集作春宴 前人

亭子春城外朱門向綠林柳枝經雨重松色帶烟深漉酒
迎仙客穿池集水禽白雲常在眼聊足慰人心

夜同宴用人字 前人

北斗回新歲東園值早春竹風能醒酒花月解留人邑宰

陶元亮山家鄭子真平生頗同道相見日相親

春園家宴 前人

南園春色正相宜老婦同行少婦隨竹裏登臺人不見花
間覓路鳥先知櫻桃解結垂簷子楊柳能低入戶枝山簡

醉來歌一曲參差笑殺郢中兒

與從弟正字從兄兵曹宴集林園 李嘉祐

竹牕松戶有佳期美酒香茶慰所思輔嗣外生還解易惠
連羣從惣能詩簷前花落春深後谷裏鶯啼日暮時去路

歸程仍待月垂韁不控馬行遲

晚春宴無錫蔡長官 集作明府西亭 前人

茅簷閑寂寂無事覺人和井近時澆圃城低下見河興綠
芳草積情向遠峯多別日歸吳地停橈更一過

秋晚招隱寺東峯茶宴送內弟闍伯均歸江州前人

萬畦新稻傍山村數里深松到寺門幸有香茶留釋子不
堪秋草送王孫烟塵怨別唯愁隔井邑蕭條誰忍論莫恠
臨岐獨垂淚魏舒偏念外家恩

此詩二百三十六卷重出今已削去

夜宴南陵留別 前人

雪滿前庭月色閑主人留客未能還預愁明日相離處匹
馬千山與萬山

秋夜與梁錕宴 錢起

客到衡門集作開林下林香芳蕙時集作林香蕙草時好風時集作能自

至明月不須期秋水翻荷影晴霜脆柳枝集作絲微官是底

物許日廢言詩

陪考功王集作韋員外城東池亭宴 前人

無雙錦帳即絕景有池塘集作絕境有林塘鶴靜踈羣羽蓮開失

衆芳青集作晴山看不厭流水趣何長日晚催歸騎鍾聲促

集作下德陽

太子李舍人城東別業與二三文友逃暑 前人

下馬失炎暑重門深綠篁宮臣禮嘉客林表開蘭堂茲日

一作夕興難盡澄壘照墨場東林晚來好極目趣何長鳥道

掛踈雨人家殘夕陽城隅擁歸騎留酌集作醉戀瓊芳

奉陪郭常侍宴滌水山池

前人

掖垣携愛客勝地賞年光
向竹過賓館尋山到妓堂
歌聲掩金谷舞態出平陽
池滿簪裙影花添蘭麝香
鶯啼春未老酒冷日猶長
安石風流事須歸騎省郎

陪郭常侍令公東亭宴集

前人

盛業山河列重名
劔履榮珥貂為相子
開閣引時英美景
池臺色佳期宴賞情
詞人載筆至仙妓
出花迎暗竹朱輪
轉回塘玉珮鳴
舞衫招戲蝶歌扇隔啼鶯
飲德心皆醉披雲興轉清
不愁歡樂盡積慶在和羹

春夜皇甫冉宅歡疑酒

張繼

流落時相見悲歡共
此情與因罇酒洽愁為
故人輕暗滴

花垂露斜暉月過城
那知橫吹曲江外作邊聲

楮主簿宅會畢庶子錢員外
即使君韓翃

開甕臠酒熟主人賞
同暮天踈竹上殘雪亂
山中更喜宣城印朝廷與謝公

華州夜宴庾侍御宅

前人

世故他年別心期此夜同
千峯孤燭外片雨一更中
酒客逢山簡詩人得謝公
自憐驅匹馬拂曙向關東

春日陪兩省諸公宴張舍人宅
即士元

懶尋芳草徑來接待臣
筵山色知殘雨墻陰覺暮天
鶯歸漢宮柳花隔杜陵烟
地與東城接春光醉目前

春宴王起城東別業

前人

柳陌乍隨洲勢轉，
花源忽傍竹陰開。
能冷瀑水清人境，
直取流鶯送酒杯。
山下古松當綺席，
簷前片雨滴春苔。
地主同聲復同舍，
晉連不畏夕陽催。

宴趙氏昆季書院

盧綸

詩禮挹餘波，
相歡在琢磨。
琴樽方會集，
珠玉忽駢羅。
謝族風流盛，
干門福慶多。
花攢騏驎檻，
錦絢鳳凰窠。
詠雪因饒妹，
書經欲換鵝。
仍聞廣練被，
更有遠儒過。

春日喜雨逢陪侍中宴白鶴樓 前人

鸛鶴相呼綠野寬，
鼎臣閑倚玉欄干。
黃河擁末流，
仍急蒼嶺和雲色，
更寒艷艷風光。
呈瑞歲冷冷，
歌頌振瑯盤。
今朝醉舞同鄉老，
不覺頻傾集作鮮豸冠。

九日奉陪渾侍中宴白鶴樓 前人

露白菊氛氳，
西樓盛襲文。
玉筵秋令節，
金鉞漢元勳。
說劍風生座，
抽琴鶴遶雲。
謏儒無以谷，
願得備前軍。

此詩三百十二卷重出，今已削去。

和李太守早秋城北亭宴司士因寄關中兄弟見三百十六卷

丁評事宅秋夜宴集

柳中庸

翠幕卷回廊，
銀燈開後堂。
風驚擁砌葉，
月冷滿庭霜。
綺席人將醉，
繁絃夜未央。
共憐今促席，
誰道客愁長。

郡齋雨中與諸文士燕集

韋應物

兵衛森畫戟，
宴寢凝清香。
海上風雨至，
逍遙池閣涼。
煩痾

近集作消散嘉賓復滿堂自慙居處崇未覩斯民康理會

是非遣性達形跡忘鮮肥屬時禁蔬菓幸見嘗俯飲一杯

酒仰聆金玉章神歡體自輕意欲集作凌風翔吳中盛文

史羣彥今汪洋方知大藩地豈曰財賦強

宴李錄事
前人

與君十五侍皇闈曉拂爐烟上玉墀花開漢苑經過處雪

下驪山沐浴時近臣零落今誰在仙駕飄飄不可思此日

相逢思曩集作日一杯成喜亦成愁

軍中冬宴
前人

滄海已云晏皇恩猶念勤宴論集作徧怕秩柔遠迨集作

斯人茲邦實大藩代鼓軍樂陳是時冬服成戍士氣益振

虎竹謬朝寄英賢降上賓徒罄周旋禮愧無海陸珍庭中

九劔爛堂上歌吹新光景不知晚觥杓集作豈能一作頻

簞集作醪昔所感大醪况同忻顧謂軍中士仰答何由申

翫花與衛長林二字集同醉
司空曙

衰鬢千莖雪集作他鄉一樹花今朝與君醉忘却在長沙

早春夜集耿拾遺宅
李端

如何逋客會忽在侍臣家新草猶停雪寒梅未稱花銜杯

雞欲唱逗月鴈應斜年齒俱憔悴誰堪故國賒

軍中醉飲寄沈八劉叟
暢當

酒渴愛江清餘酣漱晚汀軟莎欹坐穩冷石醉眠醒野膳

隨行帳華音發從伶數盃君不見都已遣沉冥

偶宴西蜀摩訶池

前人

珍木鬱波池風荷左右披淺觴寧及醉慢舸不知移蔭簾
流光冷凝簪照影歌胡為獨羈者雪涕向漣漪

殷卿宅夜宴

張南史

日暗城烏宿天寒極馬嘶詞人留土客妓女出中閨積雪
連燈照回廊映竹迷太常今夜宴誰不醉如泥

陸璞宅秋暮雨中探韻同作

已上一百五十三卷

前人

江鄉故人偶集客舍

戴叔倫

天秋月又滿城闕夜千重還作江南會翻疑夢裏逢風枝
鳴散集作驚暗鵲露草覆寒蛩羈旅長堪醉相留畏曉鍾

勸陸三

前人

寒郊好天氣勸酒莫辭頻擾擾鍾陵市無窮不醉人

奉酌盧端公飲後贈諸公見示之作 前人

佐幕臨戎

集作人

旌旆間五營無事萬家閑風吹楊柳漸拂

地日映樓臺欲下山綺席晝開留上客朱門半掩擬重關

當時不敢辭先醉悟

一作

逐羣公倒載還

此詩二百四十四卷重出今已削去

奉陪李大夫九日龍沙宴會

得進字

權德輿

龍沙重九會千騎駐旌旗水木秋光淨絲桐雅奏遲烟蕪
歛暝色霜菊發寒姿今日從公醉全勝落帽時

韋賓客宅與朱博士宴集

前人

累抗乞身章湛恩比上庠賓筵徵稷嗣家法自扶陽簪組

歡言久琴壺雅興長陰嵐冒苔石輕籟韻風篁佩玉三朝
貴揮金百慮忘因知臥商雒豈勝白雲鄉

閨春宴花溪嚴侍御莊

戎昱

一團春翠色云是子陵家山帶新晴雨溪留閨月花瓶開
巾漉酒地拆筍抽芽絲繹承顏服朝朝奏白華

冬夜宴梁十二廳

前人

故人能愛客秉燭會吳曹家爲朋徒罄心緣翰墨勞夜寒
銷臘酒霜冷重綈袍醉臥西窓下時聞鴈響高

宴城東莊

崔惠

一月生人笑幾回相逢相值且銜杯眼看春色如流水今
日殘花昨日開

同前

崔敏重

一年過又一年春百歲曾無百歲人能向花中幾回醉十
千沽酒莫辭貧

五言奉和顏使君修韻海畢州中重宴 釋皎然

世學高南郡身封盛魯邦九流宗韻海七字挹文江借賞
雲歸堞番歡月在窓不知名教樂千載與誰雙

五言冬至日陪裴端公使君清水堂宴集 前人

亞歲崇高宴

雜咏作嘉

華軒照綠波渚芳迎氣早山翠向晴多

推往知時訓書羣

疑作祥

辨政和從公惜日短番賞夜如何

五言晦日陪顏使君白蘋洲集得東字 前人

南朝分古郡山水似湘東堤月吳風在洲居

雜咏作前車

楚客

同桂寒初結雜咏作佩蘋小欲成叢時晦佳遊促高歌聽未終

五言陪盧判官水堂夜宴 前人

暑氣當宵盡徘徊坐月前靜依山堞近涼入水屏偏又是
栖林客初逢佐幕賢愛君高野意烹茗酌淪漣

春夜與諸公同宴呈陸郎中 前人

南國宴佳賓交情老倍親月慙紅淚燭花笑白頭人寶瑟

絙一作恒餘怨瓊枝不讓春更聞歌子夜桃李艷粧新

春晚奉陪相公西亭宴集 武元衡

林一作花苑春向蘭高會重邀歡感物惜芳景放懷因綵翰

玉顏穠處並銀燭焰中看若折持相贈風光益別難

奉陪相公西亭夜宴陸郎中 崔備

賓閣玳筵開通宵逝玉杯塵隨歌扇起雪逐舞衣迴剪燭
清光發添香煖氣來令君敦宿好更為一徘徊

同前 王良士

芳氣襲荷蘭青雲展舊歡仙來紅燭下花發綵毫端海岳
期芳遠松筠歲正寒仍聞言贈處一字重琅玕

同前 蕭祐

弘閣陳芳宴佳賓此會難交逢貴日重醉得少時歡欵黛
凝歌思求音足筆端一聞清佩動珠玉夜珊珊

同前 盧士政

華堂良宴開星使自天來舞轉朱絃一作絃逐歌餘素扇回

文苑英華 卷一百一十五
水光臨曲檻夜色靄高臺不在賓階末何由接上台

同前

獨孤寔

仙郎膺上才夜宴接三台燭引銀河轉花連錦帳開靜看
歌扇舉不覺舞腰回寥落東方曙無辭盡玉杯

和劉員外陪韓僕射野亭公宴 楊巨源

好客風流瑋瑋簪重簷高幕曉沉沉綺筵霜重旌旗滿玉
帳天清絃管聲繁戲徒過魯儒目衆歡方集漢郎心寒筵
一曲嚴城暮雲騎連嘶香外林

邵州陪王郎中宴

前人

西塞無塵多玉筵貔貅鷺鷥儼相連紅茵照水開罇俎翠
幕當雲發管絃歌態曉臨團扇靜舞容春映薄衫妍魯儒
縱使他時有不似歡娛及少年

文苑英華卷第二十五

文苑英華卷第二百十六

詩六十六

人事三

宴集五十六首

九日陪樊尚書龍山宴集

楊銜

孟嘉從宴地千乘復登臨
綠危陟高步憑曠寫幽襟
黃花翫初馥翠物喜盈斟
雲雜組繡色樂和山水音
旃搖秋吹急筵卷夕光沉
都人瞻騎火猶知隔寺深

上巳日陪齊相公花樓宴

盧綸

鍾陵暮春月飛觀延羣英
晨霞耀中軒蒲席羅金瓊
持盃凝遠睇觸物結幽情
樹杪參差綠湖光瀲灩明
禮卑瞻絳帳恩夾厠華纓
徒記山陰興雜詠作念此今日乃為榮

冬夜宴河中李相公中堂命箏歌送酒 劉禹錫

琅琅集作朗朗鷓鴣絃華堂夜多思簾外雪已深座中人半醉

翠娥發清響曲盡有餘意酌我莫憂狂老來無逸氣

此詩三百十四卷重出今已削去

王少尹宅宴張常侍二十六兄白舍人太監兼呈

盧郎中李員外副使一作二副使前人

將星夜落使星來三省清晨到外臺事重各銜天子詔禮

成同把友集作故人盃卷簾松竹雪初霽蒲院池塘春欲廻

第一林亭迎好客殷勤莫笑集作惜王山頽

此詩一百五十卷重出今已削去

同年春讌 孟郊

少年三十士嘉會良在茲高歌搖春風醉舞摧花枝意動

婉婉集作晚晚景喜疑芳菲時馬跡攢驤裏樂聲韻集作運參差

視聽改舊趣物象合集作含新姿紅雨花上滴綠煙柳際垂

淹中講精義南皮戲清詞前賢與今人千載為一期明鑒

有皎潔澄集作良玉無磷淄水將集作與泥沙別各整霄集作雲

漢儀盛氣自中積英名日四馳塞鴻無集作絕傳匹海月難

等夷鬱抑忽已盡親朋樂無涯幽蘅發空曲芳杜綿所思

浮跡自聚散壯心誰別離願保金石志無令有奪移

寒食內宴二首 張籍

朝光瑞氣蒲宮樓綵燾魚龍四面稠廊下御厨分冷食殿

前香騎逐飛毬千官盡醉猶高坐百戲皆呈亦未集作未放休

共喜拜恩侵夜出金吾不敢問行由

二

城闕沉沉向曉寒恩當冷節賜餘歡瑞煙深集作入處開三

殿春兩微時引百官寶樹樓前分翠幕綵花廊下映朱集作

華欄宮庭戲樂年年別已得三廻對御看

三原李氏園宴集

前人

暮春天早熱邑居苦囂煩言從君子樂樂彼李氏園園中

有草堂池引涇水泉開戶西北望遠見差我山借問主人

翁北州佐戎軒僕夫守舊宅為客施華筵高懷有餘興一作

膏壤有滋竹一作樹芳且鮮傾我所持觴盡日共晉連踈拙

不偶俗常喜形體閑况來幽棲地能不重笑言

郡中春醮因贈諸客

白居易

僕本儒家子待詔金馬門塵忝親近地孤負聖明恩一旦

奉優詔萬里牧遠人可憐島夷帥自稱為使君身騎牂牁

馬口食巴集作塗江鱗暗淡緋衫故爛班白髮新是時歲二

月玉曆布春分頒條示皇澤命宴及良辰冉冉趨府吏蚩

蚩聚州民有如螿蟲鳥亦應天地春薰草蓆舖座藤枝酒

注樽中庭無平地高下隨所陳蠻鼓聲坎坎巴女舞蹲蹲

便君居上頭掩口語衆賓勿笑風俗陋勿欺官府貧蜂窠

集作與蟻穴隨分有君臣

六年寒食洛下宴遊贈馮李二少尹 前人

豐年寒食節美景洛陽城三尹皆強健七日盡晴明東郊

踏青草南園攀紫荆風折海樞艷露墜木蘭英假開春未
老宴洽日屢傾珠翠混花影管絃藏水聲佳會不易得良
辰亦難并聽吟歌暫輟看舞盃徐行米價賤如土酒味濃
如餽此時不盡醉但恐負平生殷勤二曹長各捧一銀瓶

觥集作

郡樓夜宴留客

前人

北客勞相訪東樓爲一開寒簾待月出把火看潮來艷唱
竹枝曲香傳蓮子盃寒天殊未曉歸騎且遲迴

飲散夜歸贈諸客

前人

鞍馬夜紛紛香街起暗塵迴鞭招醉集作飲妓分火送歸人
風月應堪惜盃觴莫厭頻明朝三月盡忍不送殘春

與諸同年賀座主侍郎新拜太常同宴蕭尚書亭

子座主於蕭下及第得群字 前人

寵新卿典禮會盛客徵文不失遷鷺侶因成賀鷲群池塘
晴間雪冠蓋暮如雲共仰曾攀處年深桂尚薰

東都冬日會諸同年宴鄭家林亭得先字 前人

盛時陪上第暇日會群賢桂折應同樹鷺遷各異年賓階
紛組綬集作佩妓席儼花鈿促膝齊榮賤差肩次後先助歌

林下水銷酒雪中天他日昇沉者無忘共此筵

宴散

前人

小宴追涼散平橋步月迴笙歌歸院落燈火下樓臺殘暑
蟬催盡新秋鴈帶來將何迎睡興臨卧舉殘盃

與諸客空腹飲

前人

隔宿書招客平明飲暖寒麩神寅日合酒聖卯時歡促膝
纔飛白醅顏已渥丹碧籌攢米盃紅袖拂散盤醉後歌尤
易狂來舞何難拋盃語同坐莫作老人看

宴周皓大夫光福宅

前人

何處風光最可憐妓堂階下砌臺前軒車擁路光照地絲
管入門聲微一作沸天綠蕙不香饒桂酒紅櫻無色讓花鈿
野人不敢求他事唯借流泉集作泉聲伴醉眠

夜宴惜別

前人

笙歌旖旎曲終頭轉作離聲滿座愁箏怨朱絃從此斷燭
啼紅淚為誰流夜長似歲歡宜盡醉未如泥飲莫休何況

鷄鳴即須別門前風雨冷脩脩

蘇州郡齋旬假始命宴呈座客示群寮 前人

公門日兩衙公假月三旬衙用決簿領旬以會親賓公多
及私少勞逸常不均况為劇郡長安得閑宴頗下車已三
月開筵始今辰初黔軍厨突一拂郡榻塵既備獸酌禮亦
具水陸珍萍醅若集作善溪醅水鱸松江鱗脩食樂懸動佐
歡妓席陳風流吳地客佳麗江南人歌節點隨袂舞香遺
在茵清奏凝未闕醅顏氣一作朱顏醅已春衆賓勿遽起群僚
且逡巡無輕一日醉用犒九日勤微彼九日勤何以治吾
民微此一日醉何以樂吾身

軍城夜會

姚合

軍城夜禁樂飲酒每題詩坐穩吟難盡寒多醉較遲遠鍾
驚漏壓微月被燈欺此會誠堪惜天明是別離

春日同會崔少卿宅

前人

詩家會詩客池閣曉初晴鳥盡山中語琴添集作多譜外聲
映花相勸酒入洞各題名踈野長集作常如此誰人信在城

同諸公會大府韓卿宅

前人

九寺名卿才思雄邀歡筆下與盃空一作中六街鼓盡塵埃

息四座筵開語笑同焰焰蘭缸明狹室丁丁玉漏發深宮

唯愁即是鷄催曉集作即聽鷄唱天門曉東事相牽西復東

陪湖州韓中丞燕

朱餘慶

老大成名仍足病強聽絲竹亦無歡高情太守晉閑坐借

與青山盡日看

秋日零陵與幕下諸賓遊河夜宴

鄭史

湘月蘋風乍暢襟燭前江水練千尋新秋宋玉能為賦永
夕袁宏好共吟輦下翠娥須強展罇中綠蟻且徐斟汀沙

漸有珠疑一作如珠露緩棹蘭橈任夜深

夜携酒訪崔正字

劉得仁

只應芸閣吏知我僻兼愚吟興忘飢凍生涯任有無慘雲
埋遠岫陰吹吼寒株忽起圍爐思招携一作携來酒滿壺

夏夜會同人

前人

沉沉清暑夕星斗儼虛空岸幘栖禽下烹茶玉漏中形骸
忘細故偃仰泰愚秉自汲泉來漱微開密篠風

東齋夜宴酬紹之起居見贈

楊發

龍門八上不知津，唯有君心困益親。
白社追遊名自遠，青袍相映道逾新。
十年江海魚緘盡，一夜笙歌鳳吹頻。
漸老舊交情更重，莫將美文一作酒負良辰。

長安客舍懷邵陵宴寄永州蕭使君五首 曹唐

邵陵樓榭集作碧閣一作葱籠，河漢星集作西流。
宴未終，殘露五更掀海月，清笳三會揭天風。
香薰舞席雲鬟綠，光射盤蠟燭紅。
今日却思行樂處，兩床絲竹小樓中。集作水樓中

二

粉蝶集作彤軒盡障西，水雲紅樹窳璇題。
鷓鴣影集作絕歌聲定，鷓鴣驚初集作舞翅齊。
坐對玉山難，甸線聽唯集作

細金石怕低迷，東風月下集作三年飲，未有集作歸時不以泥。

三

木魚銅鑰鎖春城，夜上紅江集作樓縱飲，情竹葉水繁更漏。
短桐花風軟，管絃清百分，散打銀缸溢，十指寬催玉筋輕。
星斗盡飛賓客醉，碧雲猶戀艷歌聲。

四

三年身逐漢公侯，賓榻容居最上頭。
飽聽笙歌陪痛飲，熟尋雲樹縱閑遊。
朱門鎖閉煙嵐暮，鈴閣清涼水木秋。
月滿前山風不動，更邀詩客醉南樓。

五

不知何路學飛翻虛受賢侯鄭重恩午夜清歌敲玉筩集作
樹三年洪飲竭金樽招携每感雙魚遠報谷空思集作一
知

灞集作上宴別

許渾

山斷水茫茫洛人西路長笙歌留遠棹風雨醉集作華堂

紅壁耿秋燭翠簾凝曉香何言集作從此去雲樹蒲陵陽

穎川從事西湖亭宴餞

前人

西湖清宴不知迴一曲離歌酒一盃城帶夕陽聞鼓角寺

臨秋水見樓臺玉堂客醉集作蘭蟬猶噪桂檝人稀鳥自

來獨想征車過鞏洛此中霜菊遶潭開

將為南行陪浙江尚書崔公宴海榴堂 前人

朝讌華堂暮未休幾人偏得謝公留風傳鼓角霜侵戟雲

卷笙歌月上樓賓館盡開徐稚榻客帆空望集作李膺舟

謾誇書劍無知己集作水遠山遙集作步步愁

夏夜宴明月湖

薛逢

夏夜宴南湖琴觴興不孤月搖天上桂星泛浦中珠助照

螢隨舫添盤筍迸厨聖朝思靜默堪守谷中愚

醉中看花因思去歲之任

前人

去歲乘輶出上京軍機旦暮促前程狂花野草途中恨春

月秋風劍外情愁見瘴煙遮路色厭聞溪水下灘聲不辭

醉伴諸年少羞對紅粧白髮生

春夜樊川竹亭陪諸同年讌

項斯

相知皆是舊每恨獨遊頻幸此同芳夕寧辭倒醉身竹光
遙映燭萼粉暗飄茵明月分歸騎重來更幾春

陪韋中丞宴扈都頭花園

趙嘏

門下

集作外

煙橫載酒舡謝家

集作公

携客醉華筵尋花偶坐

將軍樹飲水方重刺史天幾曲艷歌春色裏斷集作數行高

鳥暮雲邊分明聽得輿人語願及行春更一年

九日陪越州元相宴龜山寺

一作亭

前人

佳晨何處泛花遊丞相筵開水上頭雙影旆搖山雨霽一

聲歌裊

一作動

寺雲秋林花

一作光

靜帶高城晚湖

一作水

色寒

分半檻流共賀萬家逢此節可憐風物似一作蒲荆州

今年新先輩以過密之際每有一作月宴集必資清

談

前人

天上高高月桂叢分明三十一枝風滿懷春色向人動遮
路亂花迎馬紅鶴馭迴飄雲雨外蘭亭不在管絃中居然
自是前賢事何必青樓倚翠空

婺州宴留上蕭員外

前人

雙溪樓影向雲橫歌轉高雲晚更清獨自下樓騎瘦馬搖
鞭重入亂蟬聲

集宿姚侍御宅懷求樂宰殷侍御 馬戴

石田虞芮接種柳白雲陰穴閉神蹤古河流禹鑿深樵人
應滿郭仙鳥幾巢林此會偏相語曾同雪夜吟

冬日陪同州吳常侍閑宴

前人

中天白雲散集客郡齋時陶性聊飛爵看山忽罷碁雪花
凝始霽木葉脫無遺靜裏常多暇招邀愜所思

夏日會脩行段將軍宅

顧非熊

愛君書院靜莎覆蘚堦濃連穗古藤暗領鷓幽鳥重罇前
迎遠客林杪見晴峯誰謂朱門內雲山滿座逢

廣州陪涼公從叔越臺讌集

李羣玉

一逕松梢踏石梯步窮身在白雲西日銜赤浪金車沒天
拂滄浪翠笠低高鳥散飛驚大旆長風萬里卷秋聲玉鈎
挂海笙歌合珠履三千半似泥

夜宴

温庭筠

孔雀眠高樹櫻桃拂短簷畫明金冉冉等語玉纖纖細雨

無妨燭輕寒不隔簾莫將紅錦段因夢與江淹

陪李郎中夜讌

方干

間世星郎夜讌時丁丁寒漏滴聲稀琵琶絃急集作促千般
語鸚鵡盃深四散飛遍請玉容歌白雪高燒紅燭集作照

朱衣人間盛事猶如此爭遣漁翁戀釣磯

石門韋明府爲置東陽潭石魚集作鱒李群玉

錦鱗銜釣集作餌出清漣煖日江亭動繪筵疊雪亂飛消筋

底散絲繁灑拂刀前太湖浪說朱衣鮒漢浦休誇縮項鱸
俊味品流知第一更勞霜橘助芳鮮

長沙陪裴大夫夜讌

前人

東山夜讌酒成河銀燭熒煌照綺羅四面雨聲籠笑語滿

堂香氣泛笙歌冷冷玉漏初三滴
艷艷金觴已半醅
共向栢臺窺雅量
澄波萬頃見天和

永州陪鄭太守登瀛夜宴席上各賦詩 蔣肱

江頭朱綬間青襟
豈是仙舟一作州不可見一作尋誰敢強登

徐稚榻自憐還學謝安吟
月疑一作疑蘭棹輕風起
妓一作歌

勸金壘盡醉斟
剪盡蠟紅人未覺
歸時城郭曉煙深

襄陽閑居與友生夜會 皮日休

隱悠悠世不知
林園幽事適
相期舊絲再上琴
調晚壞
葉重燒酒煖
遲三逕引時寒
步月四隣偷得夜
吟詩草玄
寂淡無人愛
不遇劉歆更語誰

與友人對酒吟詩 杜荀鶴

憶君滿酌酒聽我醉中吟
客路如天遠
侯門似海深
新墳侵古道
白髮戀黃金
共有人間事
須懷濟物心

陪湖李中丞宴隱溪 曹松

竹林啼鳥不知休
羅列飛橋水亂流
觸散柳絲迴玉勒
約開蓮葉上蘭舟
酒邊舊侶真何遜
雲裏新聲是莫愁
若值主人嫌晝短
應陪秉燭夜深遊

夜飲 前人

良宵公子宴蘭堂
濃麝薰人獸吐香
雲帶金龍銜畫燭
星羅銀鳳馮瓊漿
滿屏珠樹開春景
一曲歌聲遶翠梁
席上未知簾幕曉
青娥低語指東方

駙馬宅宴罷 前人

粉墻殘月照宮祠
宴闋銀瓶一半歌
學語鸚兒飛未穩
放身斜墜綠楊枝

文苑英華卷第二百十六

文苑英華卷第二百十七

詩六十七

人事四

宿會七十五首

王侍中夜禁

吳均

抽蘭開石路
剪竹製山扉
文淪見綠水
參差隱翠微
西商採藥至
東都謝病歸
紡毛織野服
縫芰作山衣
欲知三青鳥
簷上素雲飛

喜祖三至留宿

王維

門前洛陽客
下馬拂征衣
不枉故人駕
平生多掩扉
行人返深巷
積雪帶餘輝

集作

早歲同袍者
高車何處歸

河南嚴尹弟見宿弊廬訪別人賦十韻
前人

上客能論道吾生學養蒙貧交世情外才子故人中冠上方安豸車邊已盡熊拂衣迎五馬垂手凭雙童花醪一作醴和松屑茶香透竹叢薄霜澄夜月殘雪帶春風古壁蒼苔黑寒山遠燒紅眼看東候別心事北川同若學輕先輩何能訪老翁欲知今日後不樂為車公

友人會宿

李白

滌蕩千古愁留連百壺飲良夜一作宵宜清話一作談浩然一作

月皓未能寢醉來卧空山天地即衾枕

此詩一百九十卷重出今已割去注異同為一作

宿陳留李少府揆廳

祖詠

相知有李集作叔卿訟簡夜彌清旅宿倦愁卧空堂聞曙更

風簾集作簷搖燭影秋雨帶蟲聲歸思那堪說悠悠集作限

洛城

宿王昌齡隱居

常建

青溪深不測隱處惟孤雲松際露微月清光猶為君菊庭

宿花影文粹作茅亭宿花鳥藥院滋苔文余亦謝時去西山鸞鶴群

宿畢侍御宅

錢起

交情貧更好子有古人風晤語秋霜裏平生苦節同心唯二仲合室乃一瓢空落葉寄秋菊愁雲低夜鴻薄寒燈影外殘漏雨聲中明發南昌去迴看御史驄

秋夜宿嚴維宅

皇甫冉

昔聞玄度宅門向會稽峯居疑作君住東湖下清風繼舊蹤

秋深臨水月夜半隔山鍾世故多離別良宵詎可逢

謝盧十一過宿

前人

乞還方未遂日夕望雲林况復經逢集作春草何妨集作問

此心閉門公務散枉策故情深靜集作夜他鄉酒同君梁

甫吟

同韓一作員外宿雲門寺

嚴維

小嶺路雖近仙郎此夕一作過潭空觀月定澗靜見雲多

竹翠煙深色松聲雨點和萬緣俱不有對景自垂蘿

謝一作諸公宿鏡水宅

前人

幸免低頭向府中貴將藜藿與君同陽鴈叫霜來枕上寒

山映月在湖中詩書何德名夫子草木推年長數公聞道

漢家偏長少此身那比訪芝翁

宿江西竇主簿廳與此公亡兄聯官 崔峒

廣庭方緩步星漢話中移月滿關山一作道烏一作啼霜

樹枝時艱難會合年長重親知前事成金石悽然淚欲垂

秋夜同暢當宿藏公院 盧綸

禮足一垂淚醫工知病由風螢方喜夜露槿已傷秋顧以

童子愛每從仁者遊將來一作竟何得滅跡在緇流

客舍喜崔補闕司空拾遺訪宿 前人

步月貸諸隣蓬居宿近臣烏裘先醉客清鏡早朝人懷壁

疑作煙垂網香街火照塵悲榮俱是分吾亦樂吾貧

冬夜宿司空曙野居因寄酬贈 韋應物

南北與山隣蓬庵庇一身繁霜疑有雪荒草似無人遂性
在耕稼所交唯賤貧何緣張椽傲每重德璋親

同褰子秋齋獨宿

前人

山月皎如燭風霜時動竹夜半鳥驚棲惚間人獨宿

盧新吳航忽遠至留宿弊居

戴叔倫

出門迎故友衣服滿塵埃歲月不可問山川何處來綺城
容弊宅散職寄虛臺願此留君醉相逢知幾迴

與故人夜坐道舊

權德輿

笑語歡今夕煙霞愴昔遊清羸還對月遲暮更逢秋勝理
方自得浮名不在求終當製初服相與卧林丘

夏夜宿袁兄

一作話舊
宅字

竇叔向

夜合花開香滿庭夜深微雨醉初醒集作醒非遠書珍重何曾

達舊事淒涼不可聽去日兒童皆長大昔年親友半凋零

明朝又是孤舟別愁對一作見河橋酒幔青

宿嚴秘書宅

釋清江

佳期曾不遠甲第即南鄰惠愛偏相及經過豈厭頻秋光
林葉動夕霽月華新莫話羈棲事平原是主人

晚秋宿李軍道所居

釋皎然

青溪路不遙都尉每相招落日休戎馬秋風罷謝鷗木花
生野徑栢實滿寒條永夜依山府禪心共寂寥

宿支硎寺上方

前人

上方精舍遠共宿白雲端寂寞千峯夜蕭條萬木寒山光

露下見松色月中看暫與西林別歸心却欲闌

馬兵曹季良宅夜集

前人

清景不可失尋君趣有餘
身高避事外道長問心初出處
名則異遊從跡何踈吟看刻盡燭
笑卷讀殘書露彩生筆
硯風音入庭除平明仙侶散
轂動迴車

晦夜李侍御萼宅集招潘述湯上人飲茶賦詩

前人

晦夜不可坐一作生月琴軒猶為開
墻東隱者在淇上逸僧來
茗愛傳花飲詩看卷素裁
風流高此會晚景屢徘徊

秋喜盧綸訪宿

司空曙

靜夜無四隣荒居舊業貧
月集作雨中黃葉樹燈下白頭人

以我獨沉久媿君相訪頻
平生有深集作自有分况是蔡一作霍

家親

秋喜盧綸同宿寺

前人

浮生共多故聚宿喜君同
人息時聞磬松搖乍有風
寒霜疑集作疑水際夜木似山中
一願投如意長來事遠公

此詩二百三十五卷重出今已削去

耿緯就宿因傷故人

前人

舊時聞笛淚今夜重沾衣
方恨同袍少何堪相見稀
竹煙疑澗壑林雪似芳菲
多謝勞車馬應憐獨掩扉

中秋與空上人同宿華嚴寺

冷朝陽見雜詠

掃榻相逢宿論詩舊梵宮
磬聲迎鼓盡月色過山窮
庭簇

安禪草窻飛帶火虫一宵何惜別回首隔秋風

宿興善寺後堂

集無池此字

李端

草堂高樹下月向後池生野客如僧靜

集作同僧坐

新河共水

平錦鱗集作沉同不食繡羽亂相鳴即事思江海誰能萬里

行

秋夕會友

姚係

倦客易相失歡遊無良一作浪晨忽然一夕間稍慰闔家貧

白露下庭梧孤琴始悲辛迴風入幽草蟲響滿四隣會遇

更何時持杯重殷勤

山齋獨宿晏上人

楊衡

憧憧雲樹秋黃葉下山頭蟲響夜難空一作空度夢閑神不遊

窓燈寒几盡簾雨曉皆愁何以禪栖客灰心在沃州一作洲

宿雲溪觀賦得秋燈引送客

前人

雲房寄宿秋夜客一燈熒熒照虛壁虫聲呼客客未眠幾

人語話清景側不可離別愁紛多秋燈秋燈柰別何

宿陸氏齋賦得殘燈詩

前人

殷勤照水夜屬思未成眠餘暉含薄霧落燼迸空筵誰比

秦樓曉緘愁別幌前

宿漁家

張籍

漁家住江口潮水入柴扉行客欲投宿主人猶未歸竹深

村路暗月出釣舡稀遙見尋沙岸秋風動草衣

此詩二百九十三卷重出今已削去

酬段丞與諸碁流會宿弊居見贈 元稹

鳴局寧虛日閑窓任廢時琴一作書其盡棄園井詎能窺

運石疑填海爭籌憶坐帷赤心方苦闢紅燭已先施蛇勢
縈山合鴻聯度嶺遲堂堂排直陣袞袞逼羸師懸劫偏深
猛迴征特險巖旁攻百道進死戰萬般為異日玄黃隊今
霄黑白碁斫營看迴點對壘重相持善敗雖稱怯驕盈最
易欺狼牙當必碎虎口禍難移乘勝同三捷扶顛望一楮
希因送目便敢恃指蹤竒退引防邊策雄吟斬將詩眠床
都浪置通夕共忘疲曉雉風傳角寒叢雪墮枝繁星收玉
版殘月耀冰池僧請聞鐘粥賓催下藥卮獸炎餘炭在臘
淚短光衰俛仰嗟陳跡殷勤卜後期公私牽去住車馬各

支離分作終身癖兼從是事噫此中無限興唯怕俗人知

神照禪師同宿 白居易

八年二月晦山梨花滿枝龍門水西寺夜與遠公期宴坐
自相對密語誰能知前後際斷處一念不生時

初除主客郎中知制誥與王十一李七元八一作九

三合人中書同宿語一作話舊感懷 前人

閑宵靜語喜還悲聚散窮通不自知已分雲泥行異路忽
驚鷄鶴宿同枝紫垣曹署榮華地白髮郎官老醜時莫怪
不知君氣味此中來較十年遲

秋夜宿梁十三廳事 戎昱

今年秋已暮還恐未成歸夢裏家仍遠愁中葉又飛竹聲

風度急燈影月來微賴得梁夫子心源集作如有所依

宿太守李公宅 于鵠

群齋常夜靜集作掃不卧獨吟詩把燭迎幽客昇堂戴接離

微風吹凍葉殘集作餘雪落寒枝明日逢山伴須令隱者知

雨中喜賈島訪宿 姚合

雨裏難逢客閑吟不復眠虫聲秋併起林色夜相連愛酒
此生理趨朝末老前終須携手去滄海棹漁船

洛下夜會寄賈島 前人

洛下工集作改詩客相逢只是吟夜觴歡稍靜寒屋坐多深

烏府偶為吏滄江長在心懷君難就寢燭滅復星沉

夜宴一作宿太僕田卿宅 前人

故人九寺長邀我此同歡永夜開筵盡中年飲酒難微風

侵燭影疊漏過林端臘後分朝日天明幾刻殘

宿友人山居 前人

偶向山中覓紫芝山人勾引住多時摘花浸酒春愁盡燒
竹煎茶夜卧遲泉落林梢多碎滴松生澗底足傍枝明朝
却欲歸城市問我回期自不知

夜集姚合宅期可公不至 賈島

公堂春一作秋雨夜已足念園林何事疾病日重論山水心

孤燈明臘後微雨下更深釋子垂來約泉西寒磬音

宿姚少府北齋 前人

石溪同夜泛復此北齋期烏絕吏歸後蛩鳴客卧時鎖城

涼雨細開印曙鍾遲憶此漳川岸如今是別離

冬日與諸公會宿姚端公宅懷求樂殷侍御

僧無可

柱史靜開筵所思何地偏故人為縣吏五老遠峯前賓榻

寒侵曉集作樹公庭夜落泉會當隨假務一就白雲禪

多晚與諸文士會太僕田卿宅 前人

從容一作客啓華館饌玉復燒蘭是歲茲旬盡青宵幾客殘

燈迴松竹動人息斗牛寒別後思吟集須期月再圓

同劉秀才宿見贈 前人

浮雲流水深只是愛山林共恨多年別相逢一夜吟既能

持苦節勿謂少知音憶就西池宿月圓松竹深

冬夜與蔡校書宿無可上人院 劉得仁

儒釋偶同宿夜窓寒更清忘機於世久晤語恐集作到天明

月對集作到高松影風延一磬聲真門猶是幻不用覺浮生

秋日同僧宿西池 前人

菡萏編一作偏秋水隔林香似焚僧同池上宿霞向月邊分

岸鷺集作鶴栖蒲立城砧接曙聞來宵莫他宿重此話孤雲

冬日喜同志宿 前人

相逢話清夜言實轉相知共道名雖切唯論命不疑吟身

坐霜石眠鳥握風枝別憶天台客煙霞昔有期

宿常律集作津山居 前人

水夕見招宿詩書盈集作滿草堂靜吟傾藥酒高論出名場

窓颯松篁韻庭蕪雪月光心期身未老一去泛瀟湘

秋夜喜友人宿

前人

莫話春闈事清宵且醉集作但共吟頻年遺我輩有日值公心

逼集作通曙天傾斗將寒葉墜林無爲簪綬意從古貴知音

迴中夜訪獨孤從事

前人

滿庭霜月魄風靜絕纖聞邊境時無事一作冠州城夜訪君

推裘聽塞角酌甌一作醴話湘雲贊佐元戎羨恩齊十萬軍

宿友生林居因懷賈區

于武陵

繞屋樹森森多栖紫閣禽暫過當來夜微得話前心入楚

行應遠經湘恨必深那堪對寒燭更賦別離吟

與無可賈島宿姚少府宅

朱慶餘

莫厭通宵話貧中聚會難堂虛雪氣入燈在漏聲殘役思

因成疾一作病當禪豈覺寒開門各有事誰不惜餘歡

雪夜與真上人宿韓協律宅

前人

斜雪微霑砌空堂夜語清逆風孤漏短迴燭向樓明盥漱

隨禪伴謳吟得野情此歡那敢忘世貴丈夫名

宿陳處士書齋

前人

結茅當此地下馬見高情菰菜高塘淺集作曉杉光小徑集

作白明向燈集作陰石新茗色隔雪遠鍾聲閑得相逢少吟多

寢不成

同朱慶餘宿僧房

周賀

溪僧還共謁相與坐寒天屋雪凌高燭山茶稱遠泉夜清

集作更徹寺空闊，鴈衝煙莫惜多。特坐集作重來又隔年。

宿李樞書齋

前人

書齋經暮雨，四面絕纖埃。眠客聞風覺，飛蟲入燭來。夜涼書讀遍，月正戶開全。住遠稀相見，留連宿始迴。

秋宿徐處士宅懷少室

前人

曾居少室黃河上，秋夢長懸未得迴。扶病半年離水石，思歸一夜隔風雷。空齋幾遇僧眠後，野菊曾經鹿踐來。燈下此心君共說，倚松孤徑已生苔。

同賈島宿無可上人院

雍陶

何處銷愁宿，携囊就遠僧。中宵吟有雪，空屋語無燈。靜鏡唯聞鐸，寒牀但枕肱。還因愛閑客，始得見南能。

雪夜與友人同宿曉寄近隣

已見一百五十二卷

温庭筠

宿秦生山齋

前人

衡巫路不同，結室在東峯。歲晚得支遁，夜寒逢戴顓。龕燈落葉寺，山雪隔林鍾。行解一作行李無由發，曹溪欲施春。

此詩三百十七卷重出，今已削去。

宿何書記先輩延福新居

趙嘏

松下有琴閑未收，一燈高為石集作叢。留詩情似到山家，夜樹色輕含御水。秋小榼提携終集作未日半班集作容。

鬢漫生愁因君撫掌問，時倍紫閣堆簷不舉頭。

李侍御歸山同宿華嚴寺

前人

家有青山近玉京，風流杜史早知名。園林手植自含綠，霄

漢眼看當去程處處白雲迷駐馬家家紅樹近流鶯相逢
一宿最高寺夜夜翠微泉一作落聲

集宿姚殿中宅期僧無可不至 馬戴

殿中日一作殿內臣相命開樽話舊時餘鐘催鳥絕積雪阻僧

期林靜寒光一作聲遠天陰曙色遲今宵復何夕人謁去難

追集作鳴珮出難隨

此詩二百二十三卷重出今已削去注異同為一作

宿賈島原居集作尋賈島原東居 前人

塞鴈過原急渚邊秋色深煙霞向海島風雨宿園林俱住

明時願同懷故國心集作共許貧交久猶憐外事侵未能先隱跡聊集作

此一相尋

新秋霽後宿王處士居 前人

夕陽逢一雨夜木洗清陰露氣竹窓靜秋光月色深煎茶

靈草味話友故山心得意兩不寐微風吟玉琴 前人

洛陽寒夜姚侍御宅宿憶賈島 前人

夜來寒色動集作夜梅動寒色洛陽城闕深如何異鄉思更抱故

人心微月嵩山遠閑堦霜霰集作露侵誰知石門橋集作路待

子與相尋

宿崔邵池陽別墅 前人

楊柳色已故郊原日復低煙生寒樹上霞散遠山西待月

人相對驚風鴈不齊此心君莫問舊國去將迷 前人

答鄜坊集作寺友人同宿見示 前人

為客自堪悲風塵日滿衣承明無計入舊隱但懷歸雪積
孤城暗燈殘曉角微相逢喜同宿此地故人稀

秋夜宿秘書姚監宅

李頻

高樹密濛濛開樓待遠風

集作桂宅多佳木先來有好風

情閑眠闕下夢

野到山中露色浮寒瓦螢光墜暗叢聽吟麗句盡河漢轉
虛空

隱巖陪鄭少師夜坐

張橋

幸喜陪騶馭頻來向此宵硯磨青澗石厨爨白雲樵竹外
村煙細燈中禁漏遙衣冠與文理靜話對前朝

宿劉溫書齋

不掩盈牖月天然格調高涼風移蟋蟀落葉在離騷迴筆

挑燈燼懸圖見海濤因論三國志空載幾英豪

時蠶蠶繅園具賦歡因館三圖志空輝幾英豪

文苑英華卷第二百十八

詩六十八

人事五

逢遇六十八首

江上暫別蕭四劉三旋欣接遇

陳子昂

昨夜滄江別言乘

集作

天漢遊寧期此相遇尚接武陵州

結綬還逢育銜盃且對劉波潭一瀾瀾臨望幾悠悠山水

丹青雜煙雲紫翠浮終愧神仙友來接野人舟

遇荊州崔兵曹使

前人

輶軒鳳凰使林藪鷓鴣冠江湖一相許雲霧坐交歡興盡

崔亭伯言忘釋道安秋光稍欲暮歲物已將闌古樹蒼煙

斷虛庭白露寒琴中

集作

山水曲今日為君彈

遇崔司議泰之冀侍御珪二使 前人

謝病南山下幽卧不知春使星入東井云是故交親惠風
吹寶瑟微月憶清真憑軒一畱醉江海寄情人

除夜樂城逢孟浩然 張子容

遠客襄陽郡來過海伴家罇開栢葉酒燈發九枝花妙曲
逢盧女高才得孟嘉東山行樂意非是競繁華

鄭果州相過 王維

斜集作麗日照殘春初時集作晴草木新床前磨鏡客樹下集作
裏灌園人五馬驚窮巷雙童逐老身厨中集作辦餽飯常

恐集作當阮家貧

若耶溪逢孔九此詩已見一百六十六卷 綦毋潜

旅次丹陽郡遇康侍御宣慰召募兼別岑單父

劉長卿

客心一作暮千里迴首煙花繁楚水度集作渡歸夢春江集作

江連故園羈人懷上國驕虜窺中原胡馬蹙為害漢臣多

負恩羽書晝夜飛海集作塞內風塵昏雙鬢日已白孤舟心

可論繡衣從北來汗馬宣王言憂憤激忠勇悲歡被黎元

南徐爭赴難發卒如雲屯倚劔看太白洗兵臨海門故人

亦滄洲少別堪傷魂積翠下京口歸潮落山根如何天外

帆入此波上罇空使憶君處鸞聲催淚痕

湖上遇鄭田 前人

故人青雲器何意常窘迫五十猶布衣憐君已頭白誰言

此相見暫得話疇昔舊業今已無還鄉反爲客扁舟君獨
往桂集作酒君自適滄海不可涯孤帆去無跡盃中忽復
醉湖上生新魄湛湛江色寒濛濛水雲夕風波易迢遞千
里如咫尺迴首人已遙南看楚天隔

穆陵關北逢人歸漁陽

前人

逢君穆陵路匹馬向桑乾楚國蒼山古幽州白日寒城池
百戰後耆舊幾人家集作殘處處蓬蒿遍野集作人掩淚看

宋中遇陳兼集作

高適

常忝集作鮑叔義所寄王佐才如何守苦節獨自集作無
良媒離別十年外飄蓬千里來安能集作罷官後惟見柴
門開窮巷隱東郭高堂詠南陔籬根長花草井口生集作

莓苔伊昔望霄漢于今倦蒿萊男兒須集作達命且醉手
中盃

宋中遇劉書記

前人

何代無秀士高門生此才森然覩毫髮若見江山來幾載
困常調一朝時運催白身謁明主待詔登雲臺相逢梁宋
間與我醉蒿萊寒楚眇千里雪天閉集作不開末路終離
別不能強悲哀男兒爭富貴勸爾莫遲迴

平臺夜遇李景參有別

前人

離憂忽浩集作然策馬對秋天孟諸薄暮涼風起歸客
相逢渡睢水憶昨集作携手已集作十年明集作日分途
各千里歲物蕭條滿路岐此行浩蕩令人悲家貧羨爾有

微祿欲往從之何所之

此詩二百八十七卷重出今已削去

逢謝偃

前人

紅顏創為別白髮始相逢唯餘昔時慮無復昔時容

長安逢故人

卽士元

數年音信斷不意在長安馬上相逢久人中欲認難一官
今懶道雙鬢竟羞看莫問生涯事只應持釣竿

逢莊納因贈

皇甫冉

世故還相見天涯共向東春歸江海上人老別離中郡吏
名何晚沙鷗道自同甘泉須早獻且莫嘆飄蓬

渭上逢李藏器移家東郡

耿緯

求名須有援學稼又無田故國三千里新春集作深宮五十年

移家還作客避地莫知賢東路今何處風帆去渺然

此詩又見二百七十五卷有數字不同

巴陵郭逢洛陽故人

前人

因君知世事流浪已忘機久客多人厭高年衆病歸連雲
湖色遠度雪鴈聲稀又說家林盡淒傷淚滿衣

春色遇李侍郎

盧綸

高柳滿春城東園有鳥聲折花朝露滴漱石野泉清心許
陶家醉詩逢謝客呈應憐未行吏曾是魯諸生

關口逢徐遇

前人

廢寺連荒壘那知見子真關城夜有雪冰渡曉無人酒裏

唯多集作移病山中願作隣嘗聞兄弟樂唯見謝家貧

逢楊開府

韋應物

少事武皇帝無賴恃恩私身作里中橫家藏亡命兒朝栢

集作特又作折樗蒲局暮竊東隣姬司隸不敢捕立集作在集作白玉

墀驪山風雨集作夜長楊羽獵時一字都未集作識飲酒

肆頑癡武皇昇仙去憔悴被人欺讀書事已晚把筆學題

詩兩府始收籍南宮謬見推非才果不容出守撫惇婆忽

逢楊開府論舊涕俱垂座客何由識唯有故人知

廣陵遇孟雲卿作

前人

雄藩本帝都遊士多俊賢夾河樹鬱鬱華館千里連親集

新知雖滿堂中意頗未宜忽逢翰林友歡樂斗酒前高文

激頽波四海靡不傳西施且一笑衆女安得妍明月滿淮

海哀鴻遊集作逝長天所念京國遠我來君又旋

長安遇馮著作

前人

客從東方來衣上灞陵雨問客何謂集作來采山因買斧

冥冥花正開颺颺鷺新乳昨別今已春鬢絲生幾縷

漢南遇方評事

戴叔倫

移家住漢陰不復問一作華簪貫酒宜城近燒田夢澤深

暮山逢鳥入寒水見魚沉與物皆無累終年愜本心

京口逢皇甫司馬副端

前人

潮水忽復至雲帆儼欲飛故園雙闕下佐官十年歸晚景

照華髮一作涼風吹別衣淹留更一醉老去莫相違

五

汝南逢董校書

前人

擾擾倦行役相逢陳蔡間集作何為百年內不見一人閑

對酒惜餘景問程愁亂山秋風萬里至集作道又度集作出穆

陵關

此詩二百八十七卷重出今已削去

逢友生言懷

集作別

前人

安親非避地羈旅十餘年道長時流許家貧故舊憐相逢
今歲暮遠別一方偏去住俱難說江湖正渺然

逢許評事

前人

萬里楊柳色出關逢故人輕煙拂流水落日照行塵積夢
江海濶憶家兄弟貧徘徊灞亭上不語共傷春

嶺上逢久別者又別

權德輿

十年曾一別征旆集作路此相逢馬首向何處夕陽千萬峯

逢友人之上都

釋法震

玉帛徵賢楚客稀猿啼相送武陵歸潮頭望入桃花去一
片春帆帶雨飛

逢江客問南中故人因以詩寄 司空曙

南客何時去相逢問故人望鄉空淚落嗜酒轉家貧踈懶
辭微祿東西任老身上樓多看月臨水共傷春五柳終期
隱雙鷗自可親應憐折腰吏冉冉在風塵

冬日逢馮法曹話懷

冷朝陽

分襟二年内多少事相干禮樂風全變塵埃路漸難秋林

新葉落霜月蒲庭寒雖喜逢知己他鄉歲又闌

中峯歸喜見苗發集作雲齊中峯寺已見一百六十五卷李端

江上逢司空曙 前人

共有髫年故相逢萬里餘新春兩行淚舊國一封書夏口

帆初泊衡陽鴈正踈唯應執盃酒暫食漢江魚

京西遇舊職集作識兼送往隴州 姚係

蟬鳴一何急日暮秋風樹即此不勝愁隴陰人更去相逢

與相失共是亡羊路

徵還京師見舊番官馮叔達 劉禹錫

前者忽忽襍被行十年憔悴到京城南宮舊吏來相問何

處淹留白髮生

嶺表集作外逢故人 張籍

過嶺萬餘里旅遊經此稀相逢去家遠共說幾時歸海上

見花發瘴中無鴈飛炎塗集作州望行集作鄉伴相集作自識北

人衣

途中逢陽陟已見一百六十八卷 于鵠

逢張十八員外籍 白居易

旅思正茫茫相逢此路傍晚風林葉暗秋露草花香白髮

江城守青山水部郎客亭問集作同宿處忽似夜歸鄉

逢舊 前人

久別偶相逢俱疑是夢中即今歡樂事放盞又成空

逢博陵故人彭兵曹 賈島

曲陽分散會京華見說三年住海涯別後解餐蓬藁子向
前未識牡丹花偶逢日者教求祿終傍泉聲擬致家踏雪
携琴集作相就宿夜深開戶月光集作斜

逢呂上山人

劉得仁

塵裏正愁老相逢眼益明從前枉多病此後解踈名古栢
今收子深山許事兄長生如有分願逐到蓬瀛

夜行次東關

一作行次

逢魏扶東歸

許渾

南北斷蓬飄長亭酒一瓢殘雲歸太華踈雨過中條樹色
隨關迥河聲入塞一作遙勞歌此分首一作風急馬蕭蕭

此詩二百九十八卷重出今已削去異同註為一作

廣陵道逢方干

周賀

野客行無定全家在渭東寄懷

一作

僧閣迥贈別橐金空

舊業千山隔歸舟百計同藥資如有分相約老丘中

逢僧

前人

帶疾稀相見西城早晚來山房

一作

風壞衲香鑪雨霑灰

坐久鍾聲靜談餘嶽影迴却思同宿夜高枕話天台

泗上逢韓司徒歸北

前人

多病十年無舊識滄州亂後只逢君已知罷秩辭龍水相
勸移家住嶽雲泗上旅帆侵疊浪雪中歸路踏荒墳更為
此別愁應老書札何由到北軍

秦中逢王處士

趙嘏

萬水東流去不迴先生獨自負仙才藥宮橫浪海邊別鶴

翅駐雲天上來幾處吹簫森羽衛誰家殘月下樓臺春風
正好分瓊液乞取當時白玉杯

江上逢許逸人

前人

是非處處生塵埃唯君襟抱無嫌猜收帆依鴈溢浦宿帶
雨別僧衡嶽迴芳罇稍駐落日唱醉袖更拂長雲開清秋
華髮好相似却把釣竿歸去來

落第後歸喜逢僧再陽

項斯

相逢雖強笑人世別離頻曉去長侵月歸鄉動隔春見僧
心暫靜從俗事多屯宇宙詩名小山河客路新翠桐猶入
爨青鏡未辭塵逸足常思驥隨羣自退鱗宴平紅杏寺愁
在綠楊津老病難爲樂開眉賴故人

岐陽逢曲陽故人話舊

馬戴

異地還相見平生分可知壯年俱欲暮往事盡堪悲道路
頻艱阻親朋久別離解兵逃白刃謁帝值明時淹疾生涯
故因官世業移鷄鳴關月落鴈度朔風吹客淚翻岐下鄉
心落海湄積愁何計遣蒲酌浣相思

汧上款舊友

前人

斗酒故人同長歌起北風斜陽一作日斜高壘閉秋角暮山空
鴈宿寒流上螢飛淡霧中坐來憂白髮况復久從戎

邊館逢賀秀才

前人

貧病無踈我與君不知何事久離羣鹿裘共敝同爲客龍
鬬將移擬獻文空館夕陽鷓繞樹荒城寒色鴈和雲不堪

吟斷邊笳曉葉落東西客又分

蜀中逢故人

李頰

自古有行役無人免別家相寬須陌上一醉任天涯積疊
山藏蜀縈紆水遶巴他年又何處共說海棠花

漢上逢崔八同年

前人

去歲同遊帝里春杏花過後各離秦偶先託質從知己獨
未還家作旅人世上路岐何繚繞空中光景不逡巡一迴
相見一迴別更得幾迴一作年少身多

商於逢友人

喻坦之

行役何時了年年骨肉分春風來漢棹雪路入商雲水險
溪難定林寒鳥異羣相逢聊坐石啼狔語中聞

灞上逢故人

前人

花落杏園枝驅車問路岐人情誰可會身事自堪疑嶽雨
狂雷送溪槎漲水吹家山如此景幾處憶相隨

金陵逢張喬

楊夔

殊鄉會面時辛苦兩情知有志年空過無媒命共竒吟餘
春漏急語舊酒巡遲天爵如堪倚休驚鬢上絲

江上逢進士許棠

張喬

詩人誰上第新榜又無君鶴髮他鄉老漁歌故國聞平江
流曉月獨島絆餘雲且了髻年志沙鷗未可羣

逢漳州崔使君北歸

張蠙

在羣多殊稱無人不望回離城携客去度一作嶺擔後來

障寫經冬藥瓶緘落暑梅長安有歸宅歸見鎖青苔

雲朔逢山友

前人

會面却生疑明然似夢歸塞深行客少家遠識人稀戰馬
分旗牧驚禽曳箭飛將軍雖異禮難便一作脫麻衣便使

途中逢孫路因得李頻消息

方干

灞上寒仍在柔條亦自新山河雖度臘雨雪未知春正憶
同袍者堪逢共國人銜盃亦一作無語與爾轉相親益

江上逢故人

陳陶

十年蓬轉金陵道長笑青雲身不早故里相逢盡白頭青
江顏色何曾老

河上逢友人

羅鄴

知君意不淺立馬問生涯舊業無歸地他鄉便是家宵吟
憐桂鬼朝起怯菱花語盡黃河上西風日又斜

吳門再逢方干處士

前人

天上高名一作世上身垂綸何不駕蒲輪一朝卿相俱前
席千古篇章冠後人稽嶺不歸空挂夢吳一作宮相值欲鷺

沾巾吾王若致昇平化可獨成周只渭濱

大梁見喬詡

羅隱

湘水春浮岸淮燈夜蒲橋六年悲梗斷兩地各萍漂刀筆
依三事篇章奏弭貂跡卑其汨沒名散稱逍遙好寺松為
徑空江桂作撓野香花伴落缸暖酒和燒晉沼尋遊鳳秦
冠竟歎鴟骨凡鷄犬薄鬼斷蕙蘭招悵望添燕瑄蹉跎馱

魯瓢敗桐方委爨冤匣正衝宵戰代疑作安釐國封崇孝
景朝千年非有限一醉解無聊漏永燈花暗爐紅雪片銷
久遊家共遠相對鬢俱凋運命從難合光陰柰不饒到頭
篔簹契雨信釣魚潮

鍾陵見進士楊尋

前人

孺亭滕閣少踟躕三度南遊一事無只覺流年如鳥逝不
知何處有龍屠雲歸洪井枝柯斂水下章江氣色麤賴得
與君同此醉醒來一作愁被鬼柳榆

湘中見進士喬詡

前人

吳公臺下別經秋破虜城邊暫駐留一笑有時堪解夢數
年無故不同遊雲牽楚思橫魚艇柳送鄉心入酒樓且酌

松醪依舊醉誰能相見向春愁

錢塘見芮逢

前人

蔡倫池北鴈峯前離集作亂相兼十九年所喜故人猶會
面不堪良牧已重泉醉思把筯敲集作歌席狂憶判身入
酒船今日與君贏得在戴家灣裏兩瞢然

見王貞白

裴說

共賀登科後明宣入紫宸又看重試榜還見苦吟人此得
名渾別歸來話亦新分明一枝桂堪動楚江濱

文苑英華卷第二百十八

文苑英華卷第二百十九

詩六十九

釋門一

五十一首

何遜一首

劉孝先一首

蕭子雲一首

孔德紹一首

武三思一首

蘇味道一首

宋之問三首

王維二首

遜逖一首

孟浩然二首

杜甫一首

李白二首

王昌齡二首

劉長卿九首

張謂二首

岑參三首

李嘉祐二首

錢起四首

皇甫曾七首

皇甫冉一首

張南史三首

富陽浦口和朗上人

梁何遜

客心愁日暮徒倚空望歸山煙歛樹色江水映霞輝獨鶴
凌空集作逝雙鳧出浪飛故鄉千餘里茲夕寒無衣

草堂寺尋無名法師

梁劉孝先

飛鏡點青天

古詩曰破鏡飛上天

橫照滿樓前深

一作空

林生夜冷複

閣上霄煙葉動花中露湍鳴閣疑作裏泉竹風聲若雨山
蟲聽似蟬摘果仍荷藉酌水用花傳一卮一作盃聊自飲萬
事且蕭然

贈海法師還甌山

梁蕭子雲

直心好丘壑偏悅幽棲人忽聞甌山旅一作嵩里自相親
沈寥晚霖霽重疊晴雲新秋至蟬鳴柳風高路起塵動余
憶山思惆悵惜荷巾

送舍利宿定晉巖

隋孔德紹

仁祠表虛曠祗園展蕭恭棲息翠微嶺登頓白雲峯映流
看夜月臨風聽曉鍾澗芳千步草崖陰百丈松蕭然遙路
絕無復市朝蹤

秋日於天中寺尋復禮上人

唐武三思

妙域三時殿香巖七淨

一作寶

宮金繩先界道玉柄即談空

喻棧知何極傳燈竟不窮彌天高義遠初地勝因通理詣
歸一颯心行不二中有無雙惑遣真倍兩緣同摘葉疑焚

翠投花若散一作棄紅網珠遙映日簷鐸近吟風定沼寒光
素禪枝暝色葱頽隨方便力長冀釋塵籠

和武三思於中天寺尋復禮上人之作 蘇味道

藩戚三雍暇禪居二室隈忽聞從桂苑移步踐花臺敏學

推多藝高談厲辨才是非寧帶着空有掠嫌猜五術幽機

暢三番妙鍵開味同耳露洒香似朔風來砌古留方石池

清辨燒灰人尋鶴州返月逐虎溪迴一作企連躅瞻飛蓋攀

游想一作渡杯願陪為善樂從此去塵埃

自衡陽至韶州謁能禪師 宋之問

謫居窺集作窺炎壑孤帆森不繫別家萬里餘流目三春際

猿啼一作鳴山館曉虹飲江皞霽湘岸竹泉幽行峯石困集作

閉嶺嶂窮攀越風濤極沿濟吾師在韶陽欣此得躬詣

洗慮賓空寂焚香結精集作清誓願以有漏軀聿薰無生惠

物用益冲曠心源日閑細伊我獲此途游道悔晚計宗師

信捨法擯落文史藝坐禪羅浮中尋異窮集作南海裔何辭

禦魑魅自可乘炎癘迴首望舊鄉雲林浩虧蔽不作別離

苦歸期多年歲

見南山夕陽召鑒師不至 前人

夕陽黯晴碧集作暮山翠互明滅此中意無限要與開士說

徒鬱仲舉思誰集作誰迴道林轍孤與欲待誰集作誰待此湖

上月

浣紗篇贈陸上人 前人

越女顏如花越王聞浣紗國微不自寵獻作吳宮娃女藪
半潛匿苧蘿更蒙遮一行霸勾踐再顧傾夫差艷色奪常
人效頰亦相誇一朝還舊都靚粧尋若耶鳥驚入松網魚
畏沉荷花始覺冶容妄方悟群心邪欽子秉幽意世人共
稱嗟願言托君懷黨類蓬生麻家住雷門曲高閣凌飛霞
淋漓翠羽帳旖旎綵雲車春風艷楚舞秋月綿一作胡笳
自昔專嬌愛襲玩唯矜奢達本知空寂棄彼猶泥沙未割
偏執性自長薰脩牙携妾不障道來止妾西家

夏日過青龍寺謁操禪師

王維

龍鍾一老翁徐步謁禪宮欲問義心義遙知空病空山河
天眼裏世界法身中莫恠銷炎熱能生大地風

飯覆金山僧

前人

晚知清淨一作靜理日與人群踈將候遠山僧先期掃弊廬
果從雲峯裏顧我蓬蒿居藉草飯松屑焚香看道書燃燈
晝欲盡鳴磬夜方初一悟寂爲樂此生閑有餘思歸何必
深身世猶空虛

送新羅法師還國

孫逖

異域今無外高僧代集作世所稀苦心歸集作窮寂滅宴坐得
精微持鉢何年至傳燈是日歸上卿揮別操一作藻中禁下
禪衣海闊杯還度雲遙錫更飛此行迷處所何以慰屢祈

秦中感秋寄遠上人

孟浩然

一丘常欲卧三徑苦無資北山一作上非吾願東林懷我師

黃金燃桂盡壯志逐年衰日一作夕涼風至聞蟬但益悲

尋香山湛上人

前人

朝遊訪名山山遠若一作若空翠氣氤亘百里日入行始

至谷口聞鍾聲林端識香氣杖策尋故人解鞍暫停騎石

門殊豁險篁逕一作遙轉森邃法侶欣相逢清談曉不寐平

生慕真隱累日探靈異野老朝入田集作雲山僧慕歸寺松

泉多清集作逸響苔壁饒古意願言投此山身世末集作兩相

棄

別贊上人

杜甫

百川日東流客去亦不息我生苦漂蕩何時有終極贊公

釋門老放逐來上國還為世塵嬰頗帶憔悴色楊枝晨在

手且子雨已熟是身如浮雲安可限南北異縣逢舊交集

友初忻寫曾臆天長關塞遠集作寒歲暮饑寒集作凍逼野風

吹征衣欲別向曛黑馬鳴集作嘶思故櫪歸鳥盡斂翼古來

聚散地宿昔長荆棘相看俱衰年出處各努力

答姪僧中孚贈玉泉仙人掌茶 李白

常聞玉泉山山洞多乳窟仙鼠如白鶴倒懸深溪月茗生

此中石玉泉流不歇根柯灑芳津採服潤肌骨楚老卷綠

葉枝枝相接連曝成仙人掌似拍洪崖肩舉世未見之其

名定誰傳宗英乃禪客集作伯投僧有佳篇清鏡燭無鹽顧

慙西子妍朝坐有餘興長吟播諸天

別東林寺山僧

前人

東林送客處月出白猿啼笑別廬山遠何煩過虎溪

送東林蕙上人歸廬山

王昌齡

石溪流已亂苔徑人漸微日暮東林下山僧還獨歸昔為廬峯意况與遠公違道性深寂寞世情多是非會尋名山去豈復望清輝

遇薛明府謁聰上人

前人

欣逢柏梁故共謁聰公禪石室無人到繩床見虎臥陰崖常抱雪枯澗為生泉出處雖云異同歡在法筵

送少微上人遊天台

劉長卿

石橋人不到獨往更迢迢乞食山家少尋鍾野寺遙松門風自掃瀑布雪難銷秋夜聞清梵餘音逐海潮

送靈澈上人歸嵩陽蘭巖

前人

南地隨緣久東林幾歲空暮山門獨掩青集作春草路難通作梵連松韻焚香入桂叢唯將舊瓶鉢却寄白雲中

送道標上人歸南嶽

前人

悠悠集作然倚孤棹却憶卧中林江草行將集作將歸遠湘山獨往深白雲留不住綠水去無心衡嶽千峯亂禪房何處尋

送勤照和尚往睢陽赴太守請

前人

燃燈傳七祖杖錫為諸侯來去集作去住雲無意東西水自流青山春滿目白月夜隨舟知到梁園下蒼生賴集作春此遊

初夜集作至

碧澗招明契上人

前人

漸老知身累初寒曝背眠白雲留未日黃葉減餘年猿護

窓前樹泉澆谷口田沃州能共隱不用道林錢

秋夜肅公房喜普門上人自陽羨山至 前人

山棲久不見林下偶同遊早晚來香積何人住沃洲寒禽
驚後夜古木帶高秋却入千峯去孤雲不可留

禪智寺上方懷演和尚寺即和尚所創 前人

絕巘東林寺高僧惠遠公買園隋苑下持集作捧鉢楚城中

斗極千燈近煙波萬井通遠山低月殿寒木露花宮緝宇

燒香靜滄洲罷集作擺霧空鴈來秋色裏曙起早潮東飛錫

今何在蒼生待發蒙白雲飛送客黃集作庭葉自辭風捨筏

追開士迴舟狎釣翁平生江海意唯共白鷗同

送靈澈上人還越中 前人

樺客無心杖錫還沃洲深處草堂閑身隨弊履集作履經殘

雪手綻寒衣入舊山獨向清溪依樹下空留白月在人間

那堪別後集作夜長相憶雲木蒼蒼但閉關

送惠法師遊天台因懷知太師故居 前人

翠屏瀑布集作水知何在鳥道猿啼過幾重落日獨搖金策

去深山誰向石橋逢定攀巖下集作上叢生桂欲買雲中若

箇峯憶想東林禪誦處寂寥唯聽舊時鍾

送僧 張謂

童子學脩道誦經求出家手持貝多葉心念優曇花得度

一作處北洲近隨緣東路賒一身求清靜百毳納袈裟鍾嶺

更飛錫爐峯期結跏深心大海水廣願度恒沙此去不堪

別彼行安可涯慙懃結香火來世上牛車

送青龍一公

前人

事佛輕金印勤王度王關不知從樹下還肯到人間楚水青蓮淨吳門白日閑聖朝須助理絕莫愛東山

偃歸東與韓樽同詣暉上人即事 岑叅

山陰老僧解楞伽穎陽歸客遠相過煙深草濕昨夜兩雨後秋風渡漕河空山終日塵事少出一作平郊遠見人行緲

一作尚書磧上黃昏鍾別駕渡頭一歸鳥

寄青城龍溪鳥道人

前人

五嶽之丈人西望青憐憐雲開露崖嶠百里見石稜龍溪盤中峯上有蓮花僧絕頂少蘭若四時嵐翠凝身同雲虛

無心與溪清澈誦戒龍每聽賦詩人則稱衫風冷袈裟石壁懸孤燈又欲謝微祿誓將歸大乘願聞開士說庶以心相應

晚過盤石寺禮鄭和尚

前人

暫詣高僧話來尋野寺孤崖花藏水碓溪竹映風鑪頂上巢新鵲衣中帶舊珠談禪未得去輟棹且踟躕

送弘志上人歸湖州

李嘉祐

山林唯好靜行住不妨禪高月穿松徑殘陽過水泉一作田詩從宿世悟法為本師傅能使南人敬脩持香火緣

同皇甫冉赴官留別靈一上人 前人

法許廬山遠詩傳休上人獨歸雙樹宿靜與百花親對酒

集作 須留與觀空已悟身能令折腰客遙賞竹房春

山齋獨坐喜玄上人見訪二字一作至 錢起

舍下虎溪逕煙霞入暝開柴門蕪竹靜山月與僧來心瑩

紅蓮水言忘綠茗杯前峯曙更好集作 斜漢欲西廻

靜夜酬通上人問疾 前人

東林生早涼高枕遠公房大士看心後中宵滴漏長驚蟬

出暗柳微月映迴廊何事沉痾久含毫問藥王

送僧歸日本 前人

上國隨緣去集作 東集作 途若夢行浮天滄海遠去世法

舟輕水月通禪觀魚龍聽梵聲唯憐塔燈影萬里眼中明

送外孫一作從孫 懷素師還鄉觀省素善草書此詩見二百八十四卷

贈鑒上人 皇甫曾

律儀傳教誘僧臘老煙宵樹色依禪誦泉聲入寂寥寶龕

經未劫盡壁見南朝深竹風開合寒潭月動搖息心歸靜

理愛道坐中宵更欲尋真去乘船過海潮

西陵寄一公 前人

西陵遇風雨集作過 自古是通津終日空江上雲山若待

入汀洲寒事早魚鳥興情新西望稽山路吾心有所親

題贈雲門邕一作上人 此詩見二百三十五卷

秋夕寄懷契上人 前人

已見槿花朝委露獨悲憔悴在人群直僧出世心無事靜

夜名香手自焚窓臨絕澗聞流水客至孤峯掃白雲更想

清晨誦經處獨看松上雨紛紛

送着公歸越

前人

誰能愁此別到越會相逢長憶雲門寺門前千萬峯石床
埋積雪山路倒枯松莫學白衣士無人知去蹤

送普門上人還陽羨

前人

花宮雖集作難久別道者憶千燈殘雪入林路暮山歸寺僧
日光依嫩草泉響滴春冰何用求方便看心是一乘

同杜相公對山僧

前人

吏散重門掩僧來閣復閑遠心馳北闕春興寄東山草長
風光裏鶯啼靜默間芳晨不可駐惆悵暮禽還

送延陵法師往上都

皇甫冉

延陵初罷講建業去隨緣翻譯推多學壇場最少年浣衣

隨野水乞食向人煙遍禮南峯頂焚香古像前

西陵懷靈一上人兼寄朱放

張南史

淮海風濤起江關憂思長同悲鵲遶樹獨坐鴈隨陽山晚
雲藏一作和雪汀寒月照霜由來濯纓處漁父愛滄浪

寄靜虛上人雲門

前人

寒日白雲裏法侶自提携竹徑通城下松門隔水西方同
沃州去不自武陵迷髮鬢心疑處一作知處高峯是會稽

秋夜聞鴈寄南十五兼呈空和尚

前人

晚節聞君道趣深結茅栽樹近東林一作禪大師幾度魯摩
頂高士何年更發心北渚三更聞過鴈西城萬木動寒砧

不見支公與玄度相思擁膝坐長吟

文苑英華卷第二百十九

文苑英華卷第二百二十

詩七十

釋門二六十五首

即仕元三首

顧况三首

耿緯三首

司空曙七首

冷朝陽二首

李益一首

李端三首

盧綸六首

常應物四首

嚴維四首

崔峒二首

釋清江三首

釋法照二首

釋護國一首

釋靈一五首

釋皎然十五首

釋靈澈一首

送大德講時河東徐明府招

即仕元

遠近作

一作主

人天王城指日邊宰君迎說法童子伴隨緣

到處花爲雨行時杖出泉今宵松月下開閣想安禪

赴無錫別靈一上人

前人

高僧本性

疑作姓

竹開士舊名林一入春山裏千峯不可尋

新年芳草徧終日白雲深欲徇微官去懸知訝此心

送粲上人燕寄梁鎮員外

前人

季月還鄉獨未能林行溪宿厭層冰尺素欲傳三署客雪
仙愁送五天僧連空朔氣橫秦苑蒲目寒雲隔灞陵借問
從來香積寺何時携手更同登

寄江南鶴林寺石冰上人

顧况

山川重復出

集作山山重復重

心地暗相逢忽憶秋江月如聞古

寺鍾湖平南北岸雲抱兩三峯定力超香象真言攝毒龍

風中何處鶴石上幾年松爲報烟霞道人間共不容

酬陽州白塔寺永上人

前人

塔上是何緣香燈續細煙松枝當塵尾柳絮替蠶綿浮草
經行徧空花義趣圓我來雖爲法暫借一床眠

歸陽蕭寺有丁行者能脩無生忍擔水施僧况歸

命稽首作詩

前人

化佛示持帚仲尼稱執鞭列生御風歸飼豕如人焉曹溪
第六祖踏碓逾三年伊人自何方長綬趨遙泉開士行何
苦双瓶胝兩肩蕭寺百餘僧東厨正揚煙露足沙石裂外

形巾褐穿若其有此身豈得安穩眠獨出違順境不為寒暑還大聖於其空一作中領我心之虔萬法常空滅無生因

忍全一國一釋迦一燈分百千永願遺世知一作現身彌

勒前潛容徧虛空靈響不可傳智慧舍利佛神通自乾連

阿若憍陳如迦葉迦旃一作延左右二菩薩文殊弁普賢

身披六鉢衣憶劫為大僊寶塔寶樓閣重簷交梵天譬如

壹明珠共贊光白圓天魔波旬等降伏金剛堅野叉羅刹

鬼亦赦塵垢纏乃致金翅鳥吞龍護洪淵一十一眾中身

意皆快然八河注大海中有楞伽船佛法付國王平等無

頗偏天子事端拱大臣行其權玉堂無蠅飛五月冰凜筵

盡力答明主猶自招罪愆九族無白身百花動一作婢娟

神聖惡如此物華不能妍祿山一微胡驅馬來自燕宛彼

宮闕麗如何犬羊羶苦哉千萬人流血成丹川此輩一作賊

之死後鑊湯所熬煎業風吹其鬼猛火燒其烟獨有丁行

者無憂樹枝邊市頭育老人長者乞一錢韶照多密用為

君吟此篇

贈隱上人

定理集作定裏

耿緯

世間無遠近定理遍曾過東海經長在南朝事最多暮林

聊化集作暮年俗初地却一作摧魔今日忘塵慮看心義若何

贈明公

前人

來自西竺國持經奉紫微年深梵語變行苦俗流歸日上

安禪久苔生出院稀梁間有馴集作鴿不去亦無機

詣順公問道

前人

此身知是妄遠遠詣支公何法注持後能逃生死中秋苔
經古徑蘼葉蒲疎叢方便如開誘南宗與北宗

寄天台秀禪師

司空曙

天台瀑布寺傳有白頭師幻跡是羸病空門無住持霜晴
看鶴去海夜與龍期求願親瓶屨澄集作呈心得問疑

寄準上人

前人

昨聞歸舊寺暫別欲經年樵客應同步隣僧定伴禪後峯
秋有雪遠澗夜鳴泉偶與支公論人間自共傳

送况上人還荊州因寄衛侍御像

前人

惠持遊蜀久策杖欲一作忽西還共別此宵月獨歸何處山

對鷗沙草畔洗足野雲間知有玄暉會齊心受八關

深上人見訪憶李端

前人

鴈稀秋色盡落日對寒山避事多癩疾留僧獨閉關心歸
塵俗外道勝有無間仍憶東林友相期久不還

閑園即事寄陳公

前人

欲就東林寄一身尚憐兒姪未成人柴門客去殘陽在藥
圃虫喧秋雨頻近水方同梅市隱曝衣多笑阮家貧深山
蘭若何時到羨與閑雲作四隣

贈岳陽隱禪師

前人

擁褐安居南陌頭白雲高寺見衡州石窓湖水搖寒月楓
樹猿聲報夜秋講席舊逢沙鳥至梵經初向竺僧求垂垂

身老將傳法因下人間逐此游

送臯法師

前人

江草知寒柳半衰行吟怨別獨遲遲何人講席投如意唯
有東林遠法師

別卽上人

冷朝陽

過雲尋釋子話別更依依靜室開來久游人到自稀觸風
香氣盡隔水磬聲微獨傍孤松立塵中多是非

送遠上人歸京

前人

夏臘歲方深思歸徹曙吟未離銷雪院已有過雲心寒磬
清函谷孤鍾宿華陰別京舊游寺月色似雙一作霜林

振上人院喜見賈弇兼酬別集作送賈校書東歸寄真上人

李益

北風南鴈

南集作吹

數聲悲又

集作况

指前林是別離

集作時

秋草

不堪頻送遠白雲何處更相期山隨足馬行看暮路入寒
城獨去遲爲向集作問東州故人道江淹已擬惠休詩

憶皎然上人

李端

未得從師去人間萬事勞雲門不可見山木已經集作應高
向日開柴戶驚秋問敝袍無集作何由宿峯頂窓裏望波濤

贈衡嶽隱禪師

前人

舊住衡州寺隨緣偶北來夜寒集作禪山雪下朝汲竹門開
半偈空皆集作傳初盡群生意未迴唯當與樵者杖錫入天台

送少微上人入蜀

前人

削髮本求道何方不是歸松風開法逕集作江月濯禪衣

飛閣後集作鳴早漫天客過稀戴顓常執筆不覺此身非

送常操上人歸江外覲省

盧綸

依佛不違親高堂與寺隣問安雙樹曉求膳一僧貧持呪

過龍廟翻經化海人還同惠休去儒者亦沾巾

送少微上人入蜀

瓶鉢遮禪衣連宵宿翠微樹開巴水遠山曉蜀星稀遍識

中朝貴多諳外學非何當一傳付道侶願知歸

送郢上人歸江南

前人

落日映危檣歸僧向岳陽注瓶寒浪靜讀律夜船香苦霧

凝山影陰霞發海光群生一何負臨病別醫王

送契玄法師赴內道塲

前人見集本

昏昏醉老夫灌頂遇醍醐御呈嬪心鏡君王賜髻珠降魔

須戰否問疾敢行無深契何相秘儒宗本不殊

夜投終南豐德寺詣海上人

前人

半夜中集作山峯有磬聲偶逢樵者問山名上方日晚聞僧

語下路林疎見客行野鶴巢邊松最老獨龍潛處水偏清

願得遠公知姓字焚香洗鉢過浮生

寄西巖誓上人

前人

過雨閑樓看晚虹白雲相逐水相通寒蟬怨暮野無日古

樹傷秋天有風數穗遠煙凝隴上一枝繁果憶山中何言

暫別東林友惆悵人間事不同

寄皎然上人

韋應物

吳興老釋子野雪蓋青廬詩名徒自振道心常集作長晏如

想茲棲禪夜見月東峯初鳴鍾驚巖壑焚香蒲空虛夙一作

勿暮端成舊未識豈為踈願以碧雲思方君怨別餘茂苑

文華地流水古僧居何當一游詠倚閣今集作吟躊躇

超集作起渡律同居東齋院 前人

釋子喜相偶幽林多避喧安居同僧夏清夜諷道言對閣

景恒晏步庭陰始繁道遙無一事松風入南軒

簡恒璨 前人

室虛多涼氣天高屬秋時空庭夜風雨草木曉離披簡牒

集作書日云曠文墨誰復持聊因心近集作遇澄靜一與道人期

上方僧見集本 前人

見月出東山上方高處禪空林無宿火燭夜汲寒泉不下

藍溪寺今來三十年

送桃巖成上人歸本寺 巖維

長老歸緣起桃花憶舊巖清晨雲抱石深夜月籠杉道具

門人捧齋糧谷鳥銜餘生願依止文字欲三緘

酬普選二上人期相會見寄 前人

本意宿東林因聽子賤琴遙知大小朗已斷去來心夜靜

溪聲近庭寒月色深寧知塵外意定後更成吟

相里使君宅聽惠澄上人吹小管 前人

秦僧吹竹閉秋城早在黎園稱主情今夕襄陽山太守座

中流淚聽商聲

贈別至弘上人

前人

最稱弘偃少早歲草茆居年老從僧律生知解佛書衲衣
求壞帛野飯拾春蔬章句無求斷詩中學有餘

送真上人歸山蘭若

崔峒

得道雲林下年深暫一歸出山逢世亂乞食覺人稀半偈
初傳法千峯又掩扉愛離應不染塵俗自依依

潤州送師弟自江夏往台州

前人

遠客乘流去孤帆向夜開春風江上使前日漢陽來別路
猶千里離心重一杯剡溪木未落羨爾過天台

送堅上人歸杭州天竺寺

釋清江

十年勞負笈經論化中朝流水知鄉遠和風惜別遙雲山
零夜雨花岸上春潮歸卧南天竺禪心更寂寥

送贊律師歸嵩山

前人

禪客歸山意山深定易安清貧脩道苦老友別家難雪路
尋溪轉花宮映岳看到時松塔暮松月向人寒

送婆羅門僧

前人

雪嶺金河獨向東吳山楚澤意無窮如今白首鄉心盡萬
里歸程在夢中

送清江上人

釋法照

越人僧體古清慮洗塵勞一國詩名遠多生律行高見山
援葛藟避世著方袍早晚雲門去疑應逐爾曹

送無著禪師歸新羅國

前人

萬里歸鄉路隨緣不筭程尋山百衲弊過海一杯輕夜宿
依雲色晨齋就水聲何年持具葉却到漢家城

訪雲母山僧

釋護國

森然古崖碧

一作巖下

淨行一高

一作番

僧松下瀘寒水佛前挑

夜燈蓮花國土異具葉梵書能相對空王所

一作境

無心戀

一作問愛憎

送冽寺主之京迎禪和尚

釋靈一

禪門居此地瞻望在虛空水國月未上蒼生如夢中上人

知機士瓶

一作引

錫慰樊籠彼土諸梵衆嗟君揚道風

送王法師之西川

前人

旅游無近遠要自別竟銷官柳鄉愁亂春山客路遙伴行

芳草遠

集作草綠

綠興

集作隨興

野花飄計日功成後還將輔聖朝

送範律師往果州

前人

終南千古後獨爾繼卿名離障非今日脩因是幾生亂峯
寒影暮深澗野流清遠客歸心苦難爲此別情

送明素上歸楚觀省

前人

能將踈懶背時人不厭孤萍任此身江上昔年同出處天

涯今日共風塵平

一作小

湖舊隱

一作遷

應殘雪芳草歸心未

隔春前路陪憐多勝事到家知慶綵衣新

贈靈澈禪師

前人

禪師來往翠微間萬里千峯到剡山何時共到天台裏身

與浮雲處處閑

到剡到集作見

送贊上人還京

釋皎然

久游春草盡還寄北船師沙鳥窺中食江雲蒲淨衣秦原
山色近楚寺磬聲微見謝翻經館多聞似爾稀

送重鈞上人游天台

前人

漸看華頂出幽意尚集作幽賞意隨生十里行松色千重過水
聲海容雲正盡山態雪初晴事事將心證知君道可成

送清會上人游京

前人

佳游恨衰疾一笑向西風思見青門外曾臨素澆東峯明
雲際寺寺各日出露寒宮宮各行道禪長在看塵不染空

送關小師還金陵

前人

如何有歸思愛別欲難忘白露沙洲晚青龍水寺寒蕉花
鋪淨地桂子落空壇持此心為鏡應堪月夜看

送栖上人之建州覲使君舅

前人

亂峯江上色羨爾及秋行釋氏推真子郗家許貴甥
新雨靜帆葉好風輕海人以木葉為帆千里依元舅迴繞有遠情

送沙彌大智游五臺

前人

童年隨法侶家世本儒流章句三生學清涼萬里遊雲歸
龍沼暗木落鴈門秋長老憶相待傳予向祖州

送契上人

前人

西陵古江口遠見東陽州淶水不同泛春山應獨遊尋僧
白巖寺望月謝家樓宿昔心期在人寰非久留

送道琚上人還金陵

前人

一與鍾山別山中得信稀經年求法後及夏問安歸野實
充甘膳池花當綵衣慈親莫返拜外禮欲無違

早秋桐廬思歸示道該上人

前人

桐江秋信早憶在故山時靜夜風鳴磬無人行掃埽後來
觸淨水鳥下啄寒梨何暇一作何即歸吾事關心自有期

聽素法師講法華經

前人

法子出西秦名齊七道人纔敷藥草義便見雪山春護講
龍來遠聞經鶴下頻應機如一雨誰不滌心塵

山歸示靈澈上人

前人

清明路出山初煖行踏春蕪看茗歸乍削柳枝聊代札時

窺雲影學栽衣身閑始覺隳名是心了方知苦行非物外
寂中誰似我松聲草色共忘機

湯評事衡水亭會覺禪師

前人

山侶相逢少清晨會水亭雪晴松葉翠煙煖藥苗青靜對
滄洲鶴閑看古字經應憐一作關子一作義共心冥

題湖上蘭若示清會上人

前人

峯心惠忍寺嶮頂謝公山何似南湖近芳洲一畝間意中
雲木秀事外水堂閑永日無人到時看獨鶴還

支公詩

前人

支公養馬復養鶴率性無機多晚略天生支公與凡異凡
情不到支公地得道由來天上僊爲僧却下人間寺道家

文苑英華 卷一百一十五
諸子論自然此公惟許逍遙篇山陰詩友喧四座佳句縱
橫不廢禪

白雲上人精舍尋杼山禪師無示崔子尚何山道

上人

前人

望遠涉寒水懷人在幽境爲高皎皎姿及愛蒼蒼嶺果見
栖禪子潺湲灌真頂積疑一念破澄息萬緣靜世事花上
塵惠心空中影清閑誘我性遂使煩慮屏許共林客遊欲
從山主請木栖無名樹水汲一作乃忘機井持此一日高未
肯謝箕穎夕霽山態好空月生俄頃識妙聆細泉悟深滌
清茗此心誰復得笑向西林來


冬送鑿供奉親蜀寧親

釋靈澈

林間出定戀庭闈聖主恩深暫許歸雙樹欲辭金錫令四
花猶向玉堦飛梁山拂漢分清境蜀雪和煙惹翠微此去
不須求綵服紫衣全勝老萊衣

文苑英華卷第二百一十

謝靈運詩集卷之四



程